

臨證指南醫案（十二）

種福堂公選良方卷三

同人公較

疝氣

治諸疝海上丹方。

雄猪大腰子一對。不落水去膜併

血切作片。以大茴香。小茴香。各一兩。俱炒為粗末。同腰

子拌勻。復以猪尿胞一個。入拌者在內。紮固。用無灰好

酒二碗。砂鍋內懸尿胞於其間。煮至酒存半碗。收出一

併切碎。焙乾研細。存酒打糊丸。如桐子大。每服空心陳

酒送下七十丸。一方用生白酒三碗煮。

治响疝并小腸氣。

木通 川棟 各一錢 大茴 五分 飛鹽 三分

半

右為末水酒調服。頭服出汗。服七日全愈。如少年者加一倍。俱空心酒下。

治疝氣方。

荔枝核 六兩 橘核 一兩

打碎炒

小茴 六兩

川棟子

一兩 蘿巴

酒拌炒

吳萸

一兩 鹽水炒

澤瀉 兩

甘草 五錢

青皮 一兩

山甲 土炒

二兩

右為末。每服一錢。升麻一分半。黃酒調下。

治濕疝陰丸作痛。

斬艾

紫蘇葉

烘

川椒

炒熱各三兩

右三味。拌勻乘熱。絹袋盛夾囊下。勿泄氣。

治陰囊腎子腫大方。

竈心土三升。砂鍋內炒熱。加川

椒小茴香末各一兩。拌勻。將陰囊坐在上面。冷則再換。

如此三次即愈。

治陰子腫大不消。頂大荔枝核十二三個。煨灰存性。

以火酒調如糊。吃下即消。若重者再吃一服。

治疝氣偏墜。用肥薑切片鋪奏板上。上堆蘄艾一尖。

點火燒之。候將完即乘熱帶火連薑并艾搗極爛。將鮮菜葉一大片。放手掌內。即以薑艾攤勻菜葉上。用手向腎囊底下托之。初時其冷如冰。須臾滾熱。通身出汗而愈。

心口胃脘痛

治心頭痛欲死不可忍者。

良薑 厚朴薑汁炒 靈脂

右各等分為末。每服一錢醋湯下即止。

治心痛方。實胃口痛也。若真心痛不治。

高良薑酒洗

七次焙研香附子醋洗七次焙研

右二味各記另收之。病因寒得

者薑末二錢香附末一錢。病因怒起者香附末二錢。良薑末一錢。寒怒兼有者各用一錢五分。臨服時以米湯加入生薑汁一匙食鹽一捻。或二服或三服。痛止後用鏟刀挑鹽一撮火上燒紅泡湯服。并服大棗數枚。約數朝神效。

治心痛方。婦人服之甚效。

丹參一兩檀香一錢砂仁一錢

共煎八分服之即愈。

治心口胃脘痛。用大黑棗去核。每個中間入胡椒七

粒。仍將棗包好。炭火上。煨焦黑存性。研末。每服三四分。陳酒送下。三四服必愈。加木香枳壳紅花當歸五靈脂少許更妙。

治胃口痛方。

手指甲。男痛用女右。女痛用男左。剪下。

於新瓦上炙脆存性。爲末。約四五分。入砂糖少許。或湯或酒調之。食遠服。

治胃寒常發。惡心嘔吐。或痛。

用老生薑半筋。去皮搗。

爛絞汁去渣。隔湯煮一二十沸。停火。將上白洋糖半筋攪入。再煎一滾。收之。時時吃二匙。作三四日吃完。重者服至兩料必愈。

治胃寒嘔吐。兼治寒瘧。大黑棗七個去核。每個內

入丁香一隻。煮爛去丁香。將棗連湯空心服。七服見效。

治嘔吐不止。陳梅醬煎濃湯。如有火加竹茹。有寒加

荳蔻。或砂仁。或煨薑。如無梅醬。以烏梅代之。

治嘔吐方。見食即嘔。或食罷即吐。初起者易治。此痰在

胃口也。生薑二兩打碎。陳皮五六錢切碎。泡湯一

碗。慢慢逐口吃下。自安。甚者竹瀝薑汁和勻。逐匙挑在

舌上。燕下。若嘔急。并藥吐出矣。

治感氣。或飲食傷脾作痛方。橘皮一把煎濃汁一碗。

打入鹽薑少許。吃下神效。

補脾養胃方。名陽春白雪糕。茯苓。山藥炒。芡實。

蓮肉去心各四兩。糯米。黃米各半升。白糖二兩。先將藥

米粉蒸熟。再入白糖。印作餅子。晒乾。每日空心吃幾個。

極有益。

治老人脾泄最宜。名玉露霜。白朮二兩。陳皮一兩。

蓮肉四兩。苡仁四兩。糯米。菘荳。陳米鍋焦各一升。

共為末收貯。臨用時糖霜量加。將滾水調服二三兩。

治腫飲。燈草一把。蘿蔔子一兩。砂仁二錢。

將二味研末。傾入燈草湯內。畧滾即盛入茶壺內。慢

慢吃下。吃盡不見效。如前再煎一服。俟腹响放屁。小便

長而腫卽退。

呃逆

治呃逆欲死。

半夏五錢生薑二錢五分

水煎服卽愈。

治病後呃逆不止

刀葶子燒存性。滾水調服二錢卽

止。神效。

治呃逆不止方。

用荔枝七個。連皮燒灰存性爲末。白

湯調服立止。

欬逆

治欬逆方。

明雄黃一錢。酒一杯。煎七分。急令患人嗅

其熱氣卽止。

又好硫黃乳香各等分。以酒煎急令患人嗅之。

又 硫黃 乳香 艾各三錢

治食物醋心。用胡荽嚼爛。生薑下立止。

耳

治耳暴聾方。菊花 木通 石菖蒲 搗爛酒服之。

治耳聾方。真北細辛研末。鎔黃蠟為丸。如鼠糞大。以

綿裹塞耳中。二三次即愈。

又方。老鼠胆汁。滴入耳中。二三次即愈。

治耳內出膿方。胭脂 枯礬 釘鏽粉 右各等分

為末。吹之立效。

又方。

羊屎彈

燒灰一錢

枯礬

輕粉

各五分

右為末。用棉

花捲淨耳內膿。將葦管吹入立效。

治耳中膿水不止方。

龍骨

枯礬

乾胭脂

要產山東濟寧

府如銀硃樣紫色者非綿胭脂亦非油胭脂

海螵蛸

各等分

麝香

少許

右為末。

先以棉紙撚乾。輕吹耳內。

治耳中腫痛并出膿血方。

黃魚牙齒。瓦上炙存性。為

末。放土地上。退火氣。研末。加冰片少許。菜油調。雞毛蘸

入耳中。加乾胭脂更妙。

又方。

用橄欖核燒灰存性。每核一枚。入冰片二釐。研

極細末。吹入耳中。即愈。

治耳中常出血方

五色龍骨煨研細末吹入耳中即

止。

治耳出臭膿方

龍骨煨 五倍子炒 乳香 枯礬 血

餘灰 右各等分為末捲淨吹之。

治耳中膿水不乾。石榴花瓣不拘多寡炙脆研末加

些冰片再研吹耳自愈。

治百虫入耳方。如虫入耳不可驚動在左耳以手緊

閉右耳及兩鼻孔努氣至左耳虫自出右耳亦然。

目

烏羊肝丸。大能烏鬚黑髮聰耳明目。

黑羊肝一具 竹刀

切片放磁盆內再以羊胆不拘多少塗晒乾又塗又晒將胆汁塗晒至二三百個為佳少亦要在百個之外以胆汁多為妙晒時以紗罩罩晒極乾當歸酒浸晒乾白芍酒炒川芎各四兩熟地六兩酒蒸何首烏九蒸覆盆子炒山萸去核炒旱連草酒拌蒸白茯苓極熟血餘酒洗各四兩右藥不犯鐵器製完共和一處再用大熟地十二兩酒煮一晝夜取濃汁一碗拌藥內煉煉蜜為丸桐子大每服百丸空心酒下臨臥亦服一次。

治虛眼方。凡虛人目無病到點燈時候即不見物或

羞明只用羊肝煮食便效不必服他藥。

治雀目方

日落不見物也

石決明

夜明砂

各二錢

猪肝 白羊肝各一兩 將肝二片。中間盛藥。麻線紮定。

淘米泔水一碗。砂罐煮熟。臨臥服。

又方。用羯羊肝一具。不見水。不犯鐵器。以竹刀切開。

入谷精草細末。瓦罐內煮熟。不時服之。屢驗。黑羊者佳。

治風火眼洗方。歸尾 胆礬 銅青各一分 防風 荆

芥 赤芍 川連各二分 杏仁十四粒去皮尖研 右絹包煎洗。

治弦爛風赤眼洗方。文蛤 黃連去淨毛 防風 荆芥

穗各五錢 苦參四錢 銅綠五分 右為極細末。以薄荷煎湯丸。

彈子大。臨用以熱水化開。乘熱洗眼。每日三次。神效。一

方有川芎當歸各四錢。

治爛眼皮方

用掛金燈淨壳。每壳一個。摻人研細透。明綠色胆礬末二釐。或用壳十個。或二十個。裝套好。外用淨磁黃泥包裹好。勿令泄氣。炭火煨至中間壳將成。黑灰存性放地上。用碗蓋熄火。將中間灰研細包好。放土地上一夜。出火毒。每用灰少許。放茶杯內。以冷松蘿茶浸之。用薄棉紙蓋在茶面上。俟茶滲出紙面上。將此水洗眼皮。每日五六次。二三日即愈。

治火眼熱障眼痛不可忍者

用黃連爲末。人乳拌勻。

似糊樣。攤碗底上。用艾如雞蛋大一塊。放地上。點著。以黃連碗覆上。令艾薰透。取起。以清水一小杯。調濃。上覆。

棉紙一張。隔紙透出黃藥汁。以簪頻頻點洗。卽愈。

治眼中努肉方。用蛇退一條。將麻油三錢。炒黃色。不

可焦黑。菘荳三合。炒砂糖一碗。水一碗。共煎七分。食遠

服立退。二三年者可治。兩服卽愈。

治火眼方。用小兒糞中蛔虫一條。用水洗淨掛陰處。

下用磁盆盛其滴下之水。入冰片五釐。再加人乳一茶

匙。用熱水隔湯燉溫。以雞毛蘸眼上立愈。

治風火眼方。童便煎甘菊湯。頻頻洗之。

點眼神方。真川連 川大黃 黃芩 川羌活 甘

菊花 龍胆草 薄荷 防風 荆芥 木賊 蜜蒙

花各五錢 北細辛 川芎 蟬蛻 青箱子即雞冠子 黃柏

白蒺 蔓荊子各三錢 以上諸藥須揀淨用水二大碗。

熬煎濃汁成膏去渣。一小鍾將上好蘆甘石三兩放銀

鑊內煨酥。研極細末用甜水飛過。人冰片三分。麝香一

分五釐。仍入乳鉢內磨細。將前藥汁入內成丸。如菘荳

大銀硃為衣。一時烘乾。即收磁瓶內。不可見日。臨用以

水磨化。點入兩眼角內。輕者只用半丸。重者一二丸。即

愈。

又方。冬天取淨臘雪。將大葶薺同雪水磨粉晒乾。加

冰片少許。入鷺毛管中。點眼神效。

又方。名磨光散。

野苧薺粉

洗淨去皮石臼中搗爛密絹絞汁如做藕粉法

再用清井蘆甘石

用黃連黃柏黃芩甘菊薄荷煎水煨再用童便煨一次將藥水飛晒乾

珍珠

入豆腐內煮過研細水飛每苧薺乾粉一兩配製過甘石五

錢。珠末三錢各將磁瓶收貯。臨用漸漸配和。加入冰片

少許點之。

明目去翳秘方。

錦紋大黃一兩。北細辛四兩。將二味

用上高泉水一百二十兩。將藥入砂鍋煎至二十兩。以

細絹濾去渣。用大銀碗一個盛藥。碗下以磚三塊。放定

碗底下。將燈盞注麻油。用燈草七根。燃燈薰碗底內。煎

藥成膏。滴水成珠。每膏一兩。用野苧薺粉五錢。多些亦

不妨。冰片三分。和勻作錠。如多年的厚翳。每兩加水飛過。蟬蛻末五分。須要去頭足。搥碎去泥沙。水洗晒乾。為末。水飛三次用。又治飛絲入目。每兩加銀硃五分。研細末。水飛晒乾用。如風寒等翳。每兩加青黛五分。研細水飛晒乾用。以上諸症。隨症加藥。入膏調勻點之。最良。用頭生小兒乳蘸點。取葶薺粉法。如取萊菔粉。與藕粉同法。須水澄極細。晒乾再研極細。須忌鐵器。

又方。野葶薺。猪胰。各等分。搗和用。鷄子壳半個。放藥在內。臨臥合印堂上。俟水流入目中。翳隨淚出。二十日即愈。并治田螺頭眼。

又方。將新象牙物件。水磨點翳膜上即去。

又方。用新象牙磨屑。將生男乳浸透點之即退。

又方。刮孕婦大指甲末。乳調敷即愈。

又方。枸杞三錢木賊七根長寸許桂圓肉七個煎湯服月餘

自效。

治遠年攀睛翳膜。名五退散。人退即指甲乳汁炒為末山甲

炒蟬退洗淨炒龍退即蛇壳炒鳳退即雞子壳內白膜炒右為極細末。

每用三釐。令患者含水一口。患左眼吹入。右鼻。患右眼吹入左鼻。再以錫作眼樣。合患眼上。如此三次。則翳膜或血絲俱落。

治眼吹鼻散。

穿山甲五釐 我兒不食草七釐 人金甲一

分半 刺猬皮三分 蛇退一分 蟬退五釐 石蟹二分 麝香三釐

桔梗四分 右為末每用三釐吹入鼻中其翳即下。

開瞽復明方。

生地 枸杞 甘菊淨 穀精草不用草

木賊草如無翳不必用 右藥各四兩用人乳拌浸一日晒其

九日又用童便浸晒共十八日倘遇天陰下雨即將微

火烘乾共研細末陳米粉調和為丸清晨白滾水下三

錢半月即開光。

治損目破睛方。

用牛口涎每日點兩次須要避風黑

睛破者亦瘥。

鼻

治鼻淵腦漏方。用羊卵子一對去膜切片。頂大者尤

妙。醬油陳酒拌之。放磁碗內隔湯煮熟。以陳酒過下。飲

微醉三五次即愈。臨午照。

治鼻淵方。用老刀荳文火焙乾為末。酒服三錢。重者

不過三服即愈。

治鼻中時時流臭黃水。甚者腦亦時痛。名控腦砂。有虫在

腦中。用絲瓜籐近根處三五尺。燒存性為末。酒調

服即愈。

治鼻痔方。

霜梅一個。葶麻仁七粒。生薑少許。右三味同打

將絲綿包裹塞鼻內一日夜即愈。

又方。輕粉二錢杏仁七粒白礬五錢右為末吹入即化為水。

治鼻內生疔方。爛黃雞糞荔枝肉同打爛塗上即愈。

治鼻癭方。七月七日收甜瓜蒂陰乾臨用一分研末。

再用白礬少許綿裹塞鼻。

又方。瓜蒂五分研末麝香少許含水口中嗅味自落。

治鼻衄方。麥冬五錢生地五錢水煎服立止。

又方。葉荳粉一兩細茶二錢右為末涼水調服。

又方。馬蘭草汁一杯。吃下立止。

又方。梔子炒百草霜。龍骨火京墨。牡蠣火血餘。

煨存性右為末用茅花水蘸濕。蘸藥入鼻孔如無茅花

將紙撚水蘸藥入鼻孔即止。

又方。大蒜頭一個搗爛。左鼻衄將蒜塗左足心。右鼻衄

塗右足心立止。一方左塗右。右塗左。

又方。用象牙屑吹入鼻中即愈。

又方。用生吳萸研末。津調塗足底心湧泉穴。上用山

梔炒黑為末吹鼻中效。

又方。胎髮燒灰。烏梅一個共研吹鼻中立止。

治赤鼻方。

枇杷葉

去毛 梔子仁

五錢 右為末每服二

三錢溫酒下。早服去右邊赤。晚服去左邊赤。再用後敷

藥忌食胡椒生薑辛辣之物。

敷藥方。

木鱉子

去壳

大楓子

去壳 輕粉

硫黃

共為末。不時以唾調擦。亦治

面瘡風刺。

又方。用極臭鹽蛋一二十個。煮熟取黃煎油一小盞。

和細辛末。白菊花末各二錢。調勻常擦患處。每日用鮮

枇杷葉刷去毛。蜜炙煎湯服。半月愈。

口

神效吹口藥方。

并治喉症。

薄荷葉

殭蠶 青黛

朴硝 白礬 火硝 川連 礪砂各五錢 右共為細

末臘月初一收雄猪胆八個。倒出胆汁。以小半和藥拌勻。復入胆壳。以線紮頭。外用青鋼紙包裹於淨地。挖一大孔。深濶各尺許。將胆懸空。橫弔於竹杆上。以板鋪上。用泥覆蓋。至立春日取出。掛透風處陰乾。去壳收磁瓶內。每藥一兩。加冰片三分。同研極細。吹患處立愈。

又方。

兒茶一錢 人中白八分 銀滴乳石八分 冰片五釐

礪砂六分 珍珠一分 牛黃三分 黃柏六分 薄荷八分 甘草五分

烘

先將黃柏薄荷甘草另研篩細。次用兒茶等藥研細篩淨。珍珠另研和。再入冰片牛黃不用篩。即小兒瘰

痘症後俱可用。

又方。薄荷六錢青黛三錢黃柏三錢人中白四錢兒茶四錢冰片

五青菓核灰十經霜西瓜皮二

又方。燈草灰以青竹管頭滿脊實燒過揀灰去竹炭可也大冰片薄荷

葉晒乾石膏各等分共為細末和勻。蘆管吹下。

治口瘡方。用陳白螺螄壳燒灰加兒茶少許為末。吹

患處一次即愈。諸疳悉治。

(舌)

治舌衄出血。用槐花末敷之即愈。

治舌腫方。用蒲黃末摻之即愈。若舌腫出外或以冰

片少許抹上。或以草麻油蘸紙作撚燒烟薰之。隨卽消縮。若舌忽然腫硬。或出血如泉湧。用烏賊魚骨蒲黃各等分爲細末。敷舌上愈。

治重舌方。

將蒲黃爲細末。敷五六次卽愈。

牙

治火牙痛方。

并治口舌生熱瘡腐爛。

七八月間。俟

西瓜將完時。將瓜剖開去穰。將瓜皮合竹籃內。掛露天。俟其日晒夜露。經霜取下。止存外面青薄皮。研末。擦牙止痛。或和入吹口藥內。極妙。西瓜在藤上經霜者更妙。一方加冰片少許。

治虫牙痛方。名韭子湯。用韭子一撮。將碗底盛之。

覆水中用火燒烟。外用小竹梗將下截劈為四開。以紙糊如喇叭樣。引烟薰蛀齒。如下牙蛀者。以韭子煎濃湯。漱之。虫自出。

治牙痰方。名一笑散。火硝錢一冰片分一明雄黃分一元

明粉分五右共為細末。擦患處立愈。

治風火虫牙痛方。真樟腦錢一花椒錢三薄荷葉錢三先

將薄何花椒用水拌勻。放在磁碗底內。後將潮腦研細。蓋面將碗合住。用紙封好碗口。以炭火昇之。俟青煙出為度。取碗上昇起之藥。將磁瓶收貯。痛時搽一二次。即

愈神效。

取牙方

雄活鯽魚一尾約四五兩白砒六錢

將砒末入魚腹

中。待其肉爛去砒不用。只用淨魚骨晒乾為細末。每用米糲大少許。放患牙根上自落。

治走馬牙疳方。

用人龍在瓦上焙乾。研極細末。加青

黛少許。冰片少許。研勻吹入即愈。

治牙根出血不止方。

甚有成碗成斗。如線索牽拽而出

者。

大黃二錢。切片生研。若人壯者。或五錢亦可。滾

水調下。

按此症乃胃中實熱。非降不可故也。

咽喉

治一切喉症屬火者。

用鮮扁柏搗汁。加生白蜜調和。

忌見火。以茶匙時時挑嚥之。消腫退火神效。

治喉症屬時邪。風火痰潮壅閉。喘急危篤。發來迅速者。先深針委中穴中。出血自愈。其次在膝蓋對後。大小腿交界縫中。并治纏喉風急症。

治一切痰火風喉症。

用青脆梅子百枚。捉活蜒蚰一

二百條。同放瓦罐中。每日將梅取出。晒後仍入罐中。明日再晒。以收乾汁為度。再用微火烘乾。用則以一個噙化。或炙脆研末。加入諸藥內。

又方。

霜梅

一個核

明雄黃

錢一胆礬

將二味入梅中。

搗爛成膏。丸如棗荳大。磁瓶收貯。每用一丸。放舌底下。噙化。重者二三枚。輕者一枚。或爲末吹下亦效。

治喉嚨忽脹似喉驚不能飲食。用葶麻子三四兩杵。

去壳搗爛。鋪夾在草紙內。將油壓在草紙中。去葶麻屑。不用將草紙捲煤頭。點火俟火熄。令病人將烟吸入。或吹入喉間。自然腫脹漸消。

治急鎖喉風方。其症先一二日胸膈氣緊。呼吸短促。

忽然咽喉腫毒。手足厥冷。氣閉不通。急用巴豆七粒。三粒生。四粒熟。生者去壳研熟。者去壳炒。去油存性。將明雄黃五分。鬱金一個。共研末。每用末半茶匙。清茶調下。

如口噤咽塞。用小竹管吹藥喉中。須臾吐利即愈。

又方。用生巴豆半粒。川貝母一粒。去心共研爛。燈心

湯灌下即愈。

治纏喉風方。

此症猝然脹起痰涎壅甚。不速救即死。

急尋野牛膝根草一二筋許。此草隨處有之。掘取根打
濃汁碗許。灌下即消。如腫痛不能咽。即令其人仰臥。
滴入鼻中。流至咽喉下方能得命。再將生韭菜連根打
敷項下甚效。

治喉風舌大如脬。即時不救即死。

冰片一分 火硝三分 胆

礬二分 青黛二分

僵蠶五分

硼砂三分

共為細末。吹之即愈。

治喉風方。

用年久夜壺垢。瓦上炙研細。吹入即愈。

治喉驚方。

人已氣絕。心頭微熱者。藥入口聽有聲能下。

最無不活。

三九冬天。取老猪婆糞。放在屋上日晒。

夜露七八日。取下在炭火上煨至烟盡為度。以水調如

糊。徐徐灌之。

急救乳蛾方。

用兩手從臂上抹至大拇指間。四五十

下以繩紮住。男左女右。大指甲旁。以針刺出血。即止愈。

此少商穴在大指甲內側去甲韭葉大。

治乳蛾。并治喉內一切熱毒。

硼砂錢一胆礬錢二

共為

細末入青魚胆內。陰乾研細。加山豆根一錢。磁器收貯。

吹患處流涎即愈。

治喉蛾閉結不開。將土牛膝草搗汁滴鼻孔中吐去。

塞痰即愈。

治喉癰方。喉症惟此最遲久則失音不可救。西牛

黃一分真山羊血二分川黃連五分血珀三分冰片一分硼砂一錢青

菓核灰三分燈草灰五分其為細末每一茶匙藥用一茶

匙蜜調之放舌尖上徐徐嚥下一日五次兩月可愈此

方或加入蜈蚣梅灰更妙。

喉症開關方

牙皂

巴豆

其為末米湯調刷紙上

晒乾作燃子點火以烟薰鼻孔立能開口鼻流涕涎專

治十八種喉閉。

又方 巴豆四五十粒。夾草紙內壓出油。撚成油紙條。

薰鼻并薰口內。

治咽喉失音方。

人乳

白蜜

梨汁

各四兩

香椿芽汁

四兩如無鮮者用
乾香椿芽為末亦可

右四味和勻重湯煮熟不拘時服。

瘰癧

治肺瘰癧丹方。

用尿坑內鑿下坑堦名坑砂。以草鞋包

好。浸長流水中。七日取出。炭火煨紅。醋淬三次。研細同

搗棗肉搗九桐子大。每服二三錢。吐出血膿而愈。

又方。

大白梨

四隻銅鍋
煮爛搗汁

上白蜜

上洋糖

各八兩

同

熬將好下川貝母末四兩收之。

又方。

用百年鹹芥菜滷久窖地中者服數匙立起

此滷嘉興府城中大家多藏之

又方。

將魚腥草水煮多吃即愈。

又方。

將苡仁為末糯米湯調下或入粥內煮吃或以

水煎服或將苡仁連根搗汁沖好酒服總以當下膿血

便愈。

治肺家吐臭痰或吐如魚腥痰要藥。

川通草

蘆根

苡仁

桔梗

治腸瘕腹中疝痛。煩躁不安。或脹滿不食。小便澀。婦人產

後虛熱。多有此症。縱非瘕。疑似間亦當服之。苡仁

三錢。瓜萋仁三錢。牡丹皮二錢。莧仁二錢。右水二鍾。煎一鍾。不

拘時服。

治腿瘕方。未潰前服。歸尾一錢五分。官桂一錢。真漢防已

一錢。蠶沙三錢。川獨活八分。牛膝稍三錢。乳香一錢。木瓜八分。井水

煎。食前服。

治陰疽瘕發。艾葉一。匙。硫黃。雄黃各五。以水同煮

半日。搗爛候溫敷上。再煮再易十餘次。知疼者可生。

疔

治疗方。名飛龍奪命丹。

蟾酥二錢乾者酒化 血竭一錢 乳香

二錢 沒藥二錢 雄黃三錢 輕粉五分 胆礬一錢 麝香五分 銅綠二錢 寒水

石一錢 海羊二十個即 天龍一條即蜈蚣是也 硃砂二錢

右為細末先將海羊連壳研為泥和前藥為丸如綠

荳大如丸不就入酒打麵糊為丸每服二丸先用葱白

三寸令病人嚼爛吐於手心男左女右將藥丸裹在葱

白內用無灰熱酒三四杯送於避風處以衣被覆之約

人行五里之久再用熱酒數杯以助藥力發出大汗為

度初起者服二丸即消如不出汗重者再服二丸汗

出即效三五日病重者再進二丸即愈如疔瘡走黃過

心者難治。汗出冷者亦死矣。如病人不能嚼葱。搗碎裹藥在內。熱酒送下。瘡在上。食後服。在下。食前服。服後忌冷水。黃瓜。茄子。猪肉。鷄魚。濕麵。一切發風發瘡毒物。又忌婦人洗換。狐臭人觸之必發。此藥活人多矣。按疔毒。切忌用風氣藥。發散藥。蓋疔毒散則死。聚則生。腐則生。不腐則死。須外敷拔疔腐藥。內服清涼解毒諸藥。凡疔發於頭面者。切不可用冷藥敷之。逼熱毒於喉間。不能生矣。

又方。名追毒丹。取黃去疔頭膿者。

蟾酥

一錢 乾用酒化

蜈蚣

酒浸炙 乾黃

礪砂

一錢

雄黃

二錢

輕粉

一錢

白丁香

一錢 無此味加巴豆

巴豆

七粒去壳
不去油

硃砂

二錢
為衣

右俱為細末。麪調水為丸。

如丸不就。用酒打麪糊為丸。如麥大兩頭尖。入於針破口內。用水澄膏貼之。後用膏藥及生肌散。追出膿血毒物。又如有黑陷漏瘡。四圍死敗肉不去。不生肌者。亦用此藥。追毒去死肌。生新肉。方愈。小者用一粒。大者加之。病輕者不必用針。只以手指甲爬動於瘡上。以藥放好。用水澄膏貼之。其瘡即時紅腫為度。去其敗肉為妙。用之神效立驗。

水澄膏方

將白芨末放在盞內。用

水沉下去。用紙貼之。以此膏圍貼。則不傷好肉。

治面上生疔腫大。

用活蝦蟆一隻。將小刀劃開胸前。

露出肝來。取下貼在疔上即愈。

治疔毒生唇上。在大腿灣中紫筋上用銀針刺出血

來即愈。此名委中穴。

治紅絲疔。手足間有黃泡。即起紅絲一條。走入心腹。

令人悶亂不救。皆因大喜大怒。氣血逆行所致。急用針

於紅絲所到之處刺之。擠出惡血。再細嚼浮萍草根敷

之立愈。

拔疔方。荔枝肉二個。吸鐵石一分。雄黃三分。右共搗。分作

三餅。分三次敷之。其疔自落。

又方。荔枝肉。蝦蟆肝。黃丹。同搗敷之。

又方。荔枝肉一二個。蝸牛三四個。右和爛雞屎同搗爛。

入昇藥少許刺破皮膚塗上。疔根自出。

又方。將銀簪脚刺破疔頭。用多年露天鐵鏽。或水中

者更妙。研如飛麵。將四五釐搽入刺孔內。外用膏藥護

之。疔根絲絲拔盡愈矣。

治疗方。用患者耳垢齒垢手足指甲屑和勻。如荳大。

放茶匙內。燈火上炙少頃。取作丸。將銀簪脚挑開疔頭。

抹入。外用棉子一層。津濕覆之。痛立止。內服仙方活命

飲二帖。兼可治紅絲疔。

治疗膏藥方。

乳香一粒。麝香一粒。黃連末一大粒。連喬末。

菝仁二個 去皮

右同蝦蟆肝腸肺三味。共一處入乳鉢內

搗如泥。白皮紙一小方。攤膏藥貼患處。三四日連疔揭去。

治疔方。

用家園菊花。搗爛取汁一碗。服下即愈。無花

根葉搗汁亦可。有此方諸方可廢。

廣瘡結毒

治廣瘡結毒神效方。

川芎 當歸 金銀花 花粉

防風 生半夏薑礬製

川貝母去心 海螵蛸去皮 白芷各一兩

南星一兩半 薑汁製

用土茯苓一觔。米泔浸。竹刀去皮搗爛。

不犯鐵器。放砂鍋內。用水四碗。將竹筴量定深淺。再加

水四碗煎至四碗。將前藥末十兩五錢投入。再加水四碗。煎至四碗。濾去渣。一日內服盡。忌鹽與一切毒物。發物。粥飯只可淡吃。輕者一料。重者兩料。全愈。一方每

日調入八寶丹一分二釐。八寶丹方。真犀黃錢一

血珀錢二珍珠錢二冰片錢一滴乳錢五飛麩錢八辰砂錢二飛滑石錢一

錢四

又方。胡連 宣連 大川芎 牛膝各二錢 猪胰脂一個

皂筴子七粒 先將土茯苓一筋以石槌碎。用水八碗煎

至六碗。入前藥又煎至五碗。入胰脂再煎至四碗。溫服

仍用水四碗煎至二碗服。第二次煎時用竹箸在罐內。

逐碗量定水痕。此瘡必須先吃毒物發透。然後服此二三服。瘡勢便覺稍可矣。後劑即加苡仁當歸各二錢。於前方內照法煎服。重者不過四五劑。輕者無出兩三服。遍體貼然。且無結毒之患。脫痂後再服排毒散。數貼尤妙。前藥俱不可犯鐵器。切忌飲茶。

治頭面結毒方

斬艾

一兩 川椒

八錢 麻黃

去節 川芎

二錢 白

芷

茯苓

二兩

猪頭天靈蓋骨

火煨存性五錢

右研極細末。蒸餅丸。

如菜荳大。飯後白湯下三錢。三四日瘡口乾燥不臭。是其驗也。服至瘡平方止。

治楊梅瘡方

雄黃

一錢

輕粉

一錢 杏仁

三十粒

去皮

右共

爲末。用雄猪胆汁調搽。此武定侯府中方也。

治楊梅結毒方

殭蠶

蟬蛻

各三錢

猪牙皂

三錢

皂角子

七個 研碎 土茯苓

三錢

生大黃

一錢

甘草

三錢

川山甲

三片

右

將河水二大碗。酒一大碗。煎一碗。不拘二服三服。以瀉爲度。若腸中一响欲瀉。可卽往高處出恭。不可復聞臭氣。瀉後若身子壯者。再服一服。弱者不必再服。忌雞鴨魚腥等物。

治結毒敷藥秘方

真輕粉

二錢

杏仁霜

二十粒去皮尖取霜

番木鱉

火煨存性三錢

兒茶

三錢

胆礬

三分

腦

一分

右共研極細

用鷺胆或猪胆調敷。一日一換。數日全愈。

治楊梅瘡點藥

兒茶

杏仁霜

各一錢

輕粉

五分

冰片

右用鷺胆調點一次。過夜即脫。壓。

治棉花瘡點藥方

凡棉花瘡毒及下疳或初感或毒

盛經久難愈。速用新槐蕊揀淨不必炒。每日早午晚。在食前用清酒吞下三錢許。服至二三日。則熱毒盡去。除根亦無寒涼敗脾之病。此經驗神方也。如不能飲酒。即用滾水鹽湯俱可送下。但不能如酒速效耳。

治服輕粉毒

名五寶湯

紫草

金銀花

山慈姑

各一兩 乳香

沒藥

各五錢

用新汲水六碗。好陳酒五碗。

煎六七碗。空心溫服。取汗。不可見風。一二服其毒即從

大小便瀉出。若結毒先服五寶湯。再用後搽藥。如有

爛去鼻與陽物等患。即能復原。應驗如神。搽藥方。

輕粉錢一 乳香分六 沒藥分二 血竭分一 兒茶分一 大珍珠分三 紅羯

子二分 文蛤二分 煨存性 官粉分六 麝香分一 冰片分一 蟾骨分五

胎髮二分 煨存性 白螺螄壳二分 煨存性 右十四味共為細末

磁器收貯。用時先將濃甘草湯洗患處。然後搽之。

又方。臘猪頭骨搥碎。土茯苓春碎。金銀花各一

水煎服藥畢即愈。

治輕粉結毒洗敷方。膿水淋漓臭爛。不可近者。

楓

子肉兩四 輕粉錢一 草麻仁兩二 蘆甘石錢二 枕粉兩二 花椒錢五

右共爲細末。搗加麻油搥成膏。用油紙攤貼瘡上。其瘡先用花椒甘草煎湯洗淨。三日一換。五六次即愈。

治服霜粉。牙根腐爛。出血不止。管仲 黃連各五錢

右二味爲末。水一鍾。煎四五沸。入冰片少許。攪勻漱口。每日一次。忌猪腥油膩一月。

下疳

治雞膾疳魚口下疳方。婦人陰戶臭爛。亦用此藥愈。

熟乳香 冰片 珍珠末 象牙末 兒茶各三分 搽回

粉一兩八傾銀確內煨紅鶯黃色 牆上白螺螄壳洗淨入傾銀確內煨過淨末一兩

右共研細末。磁瓶收固。若要上藥。先用米泔水煎滾入。

雄黃三錢。於湯內淋洗患處。然後上藥。不拘男婦三日後立效。

治瀉燭疔。半邊溜爛是也。又名蠟燭疔。從內爛出者。

將人脚根上老皮。不拘多少。瓦上焙脆為末。黃栢末。

用猪胆汁拌晒乾再研。摻患處。烏金紙包頭。

治下疳方。土牆上白螺螄壳灰一錢。五倍子灰二分。燈草

灰五分。甘草灰五分。黃栢灰五分。輕粉四分。牛黃五釐。兒茶五分。冰片

五釐。右為細末。先用皮硝湯洗次。用土茯苓湯洗。後將

藥摻患處。

又方。大紅絨一錢。冰片三分。鐵鏽一分。鳳凰衣五分。煨存性。血竭

錢一 右研極細。敷患處效。

又方。用白鷺一隻。以白米養三日。後取鷺糞。以新瓦焙乾。黃為末。每糞一錢。和丹砂一分。冰片一分。共研極細。用米泔水洗淨。其瘡如瘡。乾用雄猪胆潤之。以藥敷上。如瘡濕則不必用猪胆潤之矣。

又方。窰底蜆壳燒紅童便煨七次 橄欖核燒灰 冰片五釐 陳

鴨蛋壳內衣 共研末。疔濕乾。搽疔乾。唾津調搽。

中毒

解百毒。粉甘草生用二兩 萊菔升一 水煎服立效。

又方。凡覺腹中不快。即以生黃荳試之。入口不聞腥

氣此真中毒也。急以升麻煎汁連連飲之。將手探吐自愈。或嚼生礬一塊。覺甜而不澁者是毒。否則非也。

治服截瘧毒藥。身體發腫氣喘方。此症因藥內有常山砒信等毒。使瘧邪遏抑於內。藥毒攻於皮膚頭面。故滿身浮腫。氣逆發喘煩躁。用生萊菔或一升。或半升。連皮搗碎。滾湯泡出濃汁。涼服。少頃肌膚間有聲。一日夜腫消喘止。

解砒信毒。

急用密陀僧一兩。或二兩。研細。冷井水飛。

徐徐灌下。或吐或瀉。則砒信裏在藥末內出矣。神效無比。或外再以井底泥塗胸前。或以生蟹。或用田螺搗塗。

臍四旁更妙。

又方。白蠟三錢研末。調鷄子清三五枚。入口即愈。

治信毒。併治銀匠爐中砒子毒方。錫灰一錢。鷄子七個。

將二味攪勻。吃下即愈。按錫灰即白鐵消後鍋內所遺渣垢也。再連鍋燒紅。即化成灰。研為細末。每服二錢。若服毒過多。加倍用神效。誠急救良方也。

解食銀銷毒方。將黃泥水。服二三茶杯即愈。

解斑貓毒方。中其毒者。必腹痛嘔吐。煩躁欲死。急以

生鷄子清三四枚灌之。即時止痛而愈。

解悞服水銀方。在背陰處掘地二三尺。取泥為丸。如

梧子大以冷井水過下碗腹中卽瀉水銀隨下矣。

解巴豆毒方。

若中此毒必口渴面赤五心煩熱泄痢

不止用黃連煎湯服。

解鹽鹵毒方。

將荳腐漿灌下或肥皂水皆能令嘔吐

切不可飲熱湯飲活羊血尤妙。

解燒酒毒方。

用鍋蓋上氣水一杯灌下卽醒。

解中白菓毒方。

小兒食之過多飽脹欲死

急用白

鯨頭煎湯頻頻灌之少頃自定。

解食桐油嘔吐不止方

將乾柿餅食之立解。

解顛狗咬方

卽不咬破亦有毒

先用蓑衣草紮住

兩頭以衆人熱小便洗搦去血水。急取斑蝥七個去頭翅足。酒洗和糯米一把水淘起潮。同斑蝥炒以米黃爲度。須於銅杓內炒。加六一散二兩。共爲細末。酒下。或木通燈心煎濃湯下。老少虛弱者分作四分。壯年者作兩服。當時一服。餘明日清晨服。服後本人頭頂心必有紅頭髮一根。要拔去。將草紙攤在灰沙內。撒尿於其上。應有或紅或白惡物。如狗形者。如服完卽無狗形出。亦不妨矣。服後用甘草湯漱口。要忌一切葷腥油膩雞鴨蛋。百日內要忌房事。如不忌男女俱傷。小紅赤荳茄子狗肉。終身禁食。至茄子并不可相近。邪犬之形。尾反舌。

垂舌吐出黑色者是宜急避之。

治狗咬方。用木鱉子燒灰存性敷之。

解毒蛇咬方。

明雄黃

五錢 五靈脂

一兩

共研細末。每服

二錢。陳酒送下。即將此末用麻油調敷患處。隔一時再進一服立愈。亦有加白芷貝母四味等分者。亦每服二錢。

又方。用香白芷爲末。每服三錢。麥冬煎湯調服。其腥

氣黃水從瘡口出而愈。

解蜈蚣咬方。用舊毛竹筋。將圓頭寸許燒焦。取下研

末。敷患處立愈。

又方。取蜒蚰塗上其痛立止。

治戴毛刺方。用甘草煎濃湯浸洗。砂糖搽之。糖霜亦可。

可。

治誤吞針方。名吸針丸。用透活磁石生研將黃蠟

和擦如針。凉水送下。裹針從大便出。

治誤食銅錢方。胡菘肉四兩葶薺一共搗汁和酒服。

其錢即消。自大便而出。

瘡

治禿瘡方。白雞子油 松香 小兒頭髮 用香油

煎油成膏。塗上即愈。

治一切禿瘡并陰陽頑癬。用不落水猪網油攤開將

松香研細摻在網油上。捲如煤頭在燈火上燒著下用

蚌壳內放生礬末少許。受滴下之油乘熱攪勻。冷定搽

在患處。或用攤油紙攤膏貼更好。

治禿瘡方。先用黃蘗汁洗之。醋湯亦可。

皂莢七個

浸七日洗淨榆白皮煨 牛烟膠 輕粉 霜梅

肉 銅青 將醋浸調搽。

又方。白松香四兩 肉墩頭屑三兩燒 碎新青布二兩燒

將多年竹燈烙窩。放松香在內燒烱。連油滴出以碗受

之。將前三味調勻敷之。四五日後待其自落即愈。

治對口瘡神效方。用活鯽魚一尾。去腸鱗搗爛。加髮

垢四兩。白蜜少許。攪勻。從瘡外圍入裡面敷之。極厚。留

一孔出氣。外以紙貼之。一二日即愈。

又方。名蟾蜜膏。

飛鹽五分葱白三莖活蝦蟆三個蜜一兩

共搗一處敷之。

又方。

婦人頭上油垢三錢黑背鯽魚一個約一兩猪眼稍一對

右同搗爛敷之。

又方。

將雄猪眼稍肉三錢。剝爛如泥。加滑石末四錢。

和勻敷患處。頂上以膏藥蓋之。拔去殭肉。放出黃水即

愈。

又方。

鮮茄蒂

七個乾者加倍

鮮何首烏

一兩

右用河水三碗。

煎一碗食遠服。一服出膿。兩服收口。

治疔腮方。

用陳石灰不拘多少炒七次。地土窰七次。

醋調敷立愈。

又方。

山梔末飛麵各等分。猪胆汁好醋各半。薄調敷

患處。

治拍蟹毒。

即手大指食指間所生。俗名了指。

用活

蟹打爛塗之。

治指上疔瘡。

名天蛇頭。

又名雄公蛋。

用鷄子一

枚。敲頂上敲一小孔。先去其清。放杯內。後去其黃。仍以

清入壳。將蜈蚣一條。煨灰。明雄黃末各一錢。二味共納入壳攪和。以指入壳。周圍以棉紙封固。三四層候一晝夜打碎。遠遠拋擲。切不可聞其臭氣。此瘡立愈。一方只用蜈蚣為末。雞子不去黃。套指上候熱。再換一個即愈。

又方。猪胆一個。入雄黃末一分。攪勻套指上。二三日即愈。

又方。雄黃細末。和蜒蚰搗爛。敷之即愈。

又方。雄黃七分。白芷三分。共為末。入雄猪胆內。套指上

立愈。

治坐板瘡方。生在臂上。俗名髻支瘡。用八九月間

的西瓜皮。刮薄存一立米厚者。日中晒脆研細。瘡有膿

則乾。搽無膿。將自己津涎調末敷上。少頃瘡中即流出

水來。敷二次即愈。

治爛腿方。用白芷黃蠟飛丹片粉。粉各等分。葱頭

搗猪髓調敷。油紙紮住。七日一換。二次全愈。

治脚面生瘡不收口。松香 枯礬 杉木灰 各一錢

共為末。用麻油調塗。數次即愈。

治脫疽方。此症發於脚趾。漸上至膝。色黑內痛不可忍。

逐節脫落而死。亦有發於手者。土蜂窠研細醋調。

搽應手而愈真神方也。

治陰濕脚瘡久爛。

銅青

胆礬

各五分

飛丹

二錢

蜜陀僧

輕粉

石膏

煨各一錢

右研末

臨臥時

搽上

痛一

夕即

結痂

或有痒處毒水不乾又搽上痒極擦之。

治脚指縫爛。

鮮鷺掌黃皮陰乾燒灰存性為末搽之

極效。

又方。

好黃丹一味搽三五次即愈。

又方。

陳松蘿茶末搽之。

治脚指縫濕爛癢方。

用三白頭昇藥底少許和白糖

霜打爛敷之。

治脚指頭上臭爛瘡方。俗名臭田螺。

青石屑用市中多

人踏者又要潔淨者須研極細絲棉灰少許冰片少許

三共和勻搽上。外

以膏藥貼之即愈。

治行路足腫方。用草鞋侵尿缸內半日。以磚一塊燒

紅置鞋於上。將足踏之。令熱氣入足內腫即消。

治臙瘡方。陳石灰 坑砂煨 伏龍肝 百草霜各一兩

右共為末。先將葱艾煎湯洗之。桐油調敷。將草紙紮緊。

又方。修船舊油灰煨 東丹 石羔煨各等分 右研極細。

先將荳腐溫水洗淨患處。用麻油調藥敷之。極厚三日

一洗一換。最無不愈。

又方。桐油 菜油 蘇油 各五錢 松香 製一兩 飛丹 製三錢

銅綠 二錢 黃占 白占 各五錢 先將三油熬數滾。後入松

香黃白占。再熬數滾。後入飛丹銅綠細末收之。攤隔紙

膏貼之。一方。松香只用三錢。銅綠只用一錢五分。

治癩瘡久不收口方。杭州破黑傘紙燒灰 飛丹

輕粉 各一錢 牛脚胎 煨至周圍焦枯以刀刮下再煨

四味與豬油同搗極爛。做夾紙膏以針刺孔。先以葱椒

飛鹽湯洗淨拭乾貼之。生肌長肉。再貼五六日。收口而

愈。

又方。用鮮桑白根皮一觔。生豬板油四兩。共搗作餅。

將一餅貼之。每日換一餅。五六日後換生肌末藥。用赤
石脂。乳香。沒藥。白占。冰片。炒黃。輕粉。煨過狗脛骨。以麻
油調塗。碗內覆定。燒斷艾薰。黑碗內藥連番十餘次。方
以此藥。做夾紙膏貼之。數日即愈。

治濕爛。癩瘡。並一切頑瘡不收口者。麻油 柏油 各

兩五 錢 管仲 三錢 象皮 五分 血餘 一大團 同煎至髮枯去髮再

煎滴水成珠下炒飛丹五錢方下後藥 硃砂 兒

茶 輕粉 沒藥 去油 川椒 樟腦 各五分 乳香 去油三分 血

竭 一錢 共為末攪勻離火候半冷下黃蠟二錢五分杭粉

一兩五錢如法熬成膏攤貼患處一日一換神效

治臙瘡久不愈者。秘傳夾紙膏。老松香。樟腦。

號丹炒水龍骨即舊船底內油石灰輕粉。共為細末溶化松香。

加小清油和之。以油紙隨瘡大小作夾膏。洗淨瘡後貼

之。二三日一換即愈。若不效。加白芷川芎蜈蚣於前膏

內。若不加入。以此三味煎湯洗之亦效。凡臙瘡用夾

膏。須用舊傘紙以甘草湯煮。密刺其孔比他紙尤效。如

用尋常油紙。須用甘草白芷花椒荆芥煎湯煮過。晒乾

攤膏則不痛。且不生拐。

又方。麻油九兩大活雄鯽魚一個約大楓子肉去油

同熬至魚焦枯。濾去渣。將油再煎。滴水不散。將油稱見

分量。每油一分。用飛炒過黃丹半分。加銀硃二錢。收之。攤貼。若不能收口。用哺胎。不出鷄子。瓦上煨存性。研極細。摻上。卽收口。此摻藥方。不但治臙瘡。凡結毒瘡。疽。灸瘡。久爛者。立能收口。生肌。

又方。

名白玉膏。

乳香

沒藥

象皮

白蠟

各五錢

輕粉

四錢

蜜陀僧

鉛粉

黃蠟

各二兩

以上除蠟。俱爲

極細末。先用真桐油一筋。放鍋內。火上滾透。去沫。油先入蜜陀僧末。攪勻。取起。入二蠟。溶盡。攪勻。待油稍溫。方入細藥。攪三百餘遍。以大棉紙攤上。陰乾。隨瘡大小。煎成膏貼。時瘡中毒水流出。膏藥遍黑。再換新者貼之。

又方。名紫脂膏。

好麻油

四兩

淨花椒

三錢

葱頭

七個

連鬚七

寸長

三味同煎至葱焦脆去渣。入白色松香五錢。黃占

六錢。文火煎化。去上面浮出渣滓。煎至油面上有花紋。

急離火。傾碗內。加入好銀硃一錢。攪勻收之。待冷凝將

碗合土地上。三日去火毒。攤夾紙膏貼之。紙只要一面

刺孔。每膏貼五日一換。如痛者用甘草湯先洗。痒者花

椒湯洗。若貼一膏即流盡黃水者。貼至五六膏而愈。若

貼至三膏方流盡黃水者。須貼至二十膏而愈。凡初貼

之膏出水者。膏中有毒氣在內。揭下則無用。水盡後再

貼之膏。須存之。以待後來將長肉結蓋時用。此貼過舊

膏貼之。以爲收功最妙。

治濕毒癩瘡方。

蘆甘石用童便製八九次。猪油調搽。

神效。

又方。

伏龍肝

蚌壳灰

各一兩

輕粉

半錢

或加蒼朮

一錢。黃柏一錢。各炒焦爲末。和勻用菜油調攤夾紙膏。

將針刺孔。紫瘡上。三日一換。先用花椒米泔煎滾洗瘡。

治濕瘡方。

取桑樹根上土中鮮白皮。去粗皮切細。同

生猪油。放石臼內打糝。先用冷茶洗瘡拭乾。用此藥敷

之外。以油紙蓋之。將帛紮緊。換四五次。即愈。加白蠟

同搗作餅。反覆貼之。一日夜再換。拔去毒水。臭腐生肌。

收口。濕瘡與廉瘡有別。濕瘡有水窠頭。不爛而甚痒。廉瘡必爛而痛。凡治濕瘡。切不可用昇藥。及冰片。非惟不能奏效。反致潰爛難愈。凡遠年濕風瘡痒甚。諸藥不效者。必有虫在內。須用藥引出其虫。則用藥有效矣。凡治濕瘡。先用鉛打薄片貼之。以帛紮住。毒水自流。流盡然後用藥。方易見效。

又方。疥瘡白泡亦治。

楓子肉一兩 蛇床子炒 烟膠瓦上

乾黃柏末炒 自死龜版炒 黃丹二錢 真輕粉五錢

右為細末。桐油調搽。上以油紙覆紮。五日一換。三次即愈。栢油調藥更妙。一方無烟膠。有煨龍骨。用熟桐油。

調藥

又方。黃柏末 銀硃 飛丹各五錢 煨石羔 龜版燒灰

蚌壳灰各一兩 輕粉二錢 嫩松脂三錢 共為細末，菜油調作

夾紙膏貼

又方。名葱連膏。飛丹二錢 乳香 沒藥 黃連各五分

血竭一錢 冰片一分 松香五錢 草麻子十八粒 葱白帶鬚七根 共為

末，將葱頭打爛和勻，以菜油調。做夾紙膏貼之。

治臙濕瘡方。黃丹 石無異各五錢 輕粉一錢 乳香 沒

藥 樟冰 水龍骨 百草霜各一兩 共為細末，桐油

調夾紙膏貼之。前後翻換神效。或加血竭，血餘兒，茶蝶

蛸銀硃銅綠等藥。貼過舊膏藥藏好。以備日後。收瘡口之用。

治一切瘡毒。隨貼隨愈。並治風濕癰疽癰瘰。鶴膝風等症。

俱神效。南星 川大黃 莨仁 羌活 半夏

草烏 川烏 紅花 獨活 當歸各四錢 用真麻油

一筋。加生薑一兩。葱白不拘多少。亂頭髮一團。入藥內。

熬焦枯色。用絹濾去渣。用上好松香一筋。入濾過清油。

內。又熬至胡荽花起。先加入蜜陀僧二兩。再徐徐加入。

硫黃末半筋。投此二味時。務須慢慢洒入。不可太多。太。

驟。以滴水成珠為度。將此膏藥傾入水中。去火毒。

治熱毒濕瘡遍體生瘡痛而不痒手足尤甚粘着衣被日

夜不得眠者。用石菖蒲三斗為末鋪蓆上臥五六

日即愈。

治諸瘡弩肉如蛇頭凸出寸許者。用烏梅肉煨灰搽

上即愈。

治膿窩瘡。名雞黃煎。煨石羔三錢寒水石二錢黃丹

硫黃各一錢共研極細末將雞子黃熬出油調敷。

又方。大黃三錢吳萸去梗一錢半共研細末菜油調搽

即效。

治諸瘡搽藥方。煨熟石羔一兩松香 白芷各二錢樟腦

二錢 輕粉五分 冰片一分 右為極細末。熬熟豬油調搽。治白

泡瘡更效。

治天泡瘡方。

黃栢末一錢 輕粉一錢 雄黃一錢 青黛二錢 滑

石一錢 寒水石二錢 銀硃一錢 辰砂五分 鉛粉二錢 側栢葉末

一錢 右為細末。絲瓜葉打汁調搽立效。

又方。將菘荳裝入粗瓦瓶內。以毛竹篔一把塞緊瓶

口。再用瓦盆一個。底下鑿一孔。將瓶倒插於盆孔內。盆

內用礬糠炭屑燒之。菘荳油即在箸頭上滴出。下以碗

收之。俟出火毒。用油抹點瘡上。二三次立愈。

又方。青黛 滑石 各等分 馬蘭汁調敷。

又方。石羔 黃栢 青黛 各等分爲末扁栢汁調

敷。

治痂子方。將臘雪收藏瓶內封口。至端午日放黃瓜

在瓶內浸之封好。遇有痂子敷上即愈。

治癩瘡痒痛方。

滑石五錢 菴荳粉四兩 微炒

右研細和勻。

以棉撲之。一方有棗葉一兩。

治癰癤作痒抓之。又疼難於坐臥者。名苦參湯。用苦

參四兩。大菖蒲二兩。河水五瓢。同煎數滾添水二瓢。蓋

片時臨洗。和入雄豬胆汁四五枚。洗之避風甚效。

治一切熱癩。用芙蓉葉菊花葉同煎。水頻洗或搗爛

敷之甚效。

治凍瘡久不愈。年年發歇。先痒後痛。後卽腫破出黃水。及

出血不止者。名雉腦膏。

雄雉腦一枚搗爛黃蠟

清

油。右三味以文火熬成膏。去渣磁器盛用。每日塗瘡

上。一方用大蒜梗煎湯洗之。

又方。用白蘿蔔打碎。或切碎。內揀大者。切二三寸一

段。同用水煮。一二十滾。不可太爛。亦不可太生。以所煮

湯薰洗浸。并將所煮蘿蔔在瘡上摩擦。一日洗三次。連

洗三日卽愈。永不發。

治冬月手足開裂方。用清油五錢。文火煎沸。先入黃

蠟一塊煎化再入光粉五倍子少許熬令稠紫色爲度。先以熱湯洗患處火上烘乾卽用藥敷其上以紙貼之。其痛立止入水亦不落若油中入粉多則硬而成塊須以火炙動挑敷亦不妨。一方無五倍子。一方加魚膠白芨末。

又方。名油胭脂。用生豬板油去筋膜一兩入鍋熬淨再入黃占五錢白占三錢同化清次入銀硃黃丹各五分攪勻以軟能攤開爲妙敷之卽愈。

又方。用童子剃下頭髮洗淨令乾將一二兩放杓內熬烱入羊油再同熬令其無滓去火俟冷如膏藥搥成

細條放入縫內。一日夜即裂縫不痛矣。

治湯火瘡方

當歸

生地

各一兩

麻油

四兩

黃占

一兩

白者只用

五錢

右先將當歸生地入油煎枯去渣。將蠟溶化攪勻。

候冷即成膏矣。用塗患處。將細紙蓋之。極效。若發背癰疽潰爛者。用之亦甚效。凡死肉潰爛將脫。止有些些相連者。宜用剪刀剪去。蓋死肉有毒。去遲則傷新肉矣。死肉去盡。尤宜速貼。蓋新肉最畏風寒。切不可忽也。

又方。

將豬毛煨存性研末。加輕粉礪砂少許。麻油調

和敷之。立效。且無癍痕。

又方。

用雞子黃置銀石器中。熬出油調胡粉敷之。

治盪泡方。

將煮熟雞子黃炒出油一杯調生大黃末

一兩搗之。

治火盪熱油傷方。

用生雞子清好陳酒沖和調敷三

次必愈。

治火燒爛神方。

凡遇此症切不可浸冷水中熱毒內攻。

必爛至骨。

用好陳酒一二十觔傾入浴缸內畧燒

溫令患者坐酒中浸之極重者不死。

治火盪傷方。

急使一二歲小兒不拘男女撒尿於室

中結實淨土地上少項取地面上浮膩滑濕之土敷之

卽日止痛解火毒甚妙。

治盪泡火燒方

此症切不可用冷水澆洗。如藥不便

先飲童便一碗。或生蘿蔔汁一碗。再將生大黃細末。或香油。或生桐油調敷。如爛至肌肉者。用山野人家百草霜三錢。輕粉一錢五分。研末。香油調敷。甚效。

治初盪與潰爛方

名解毒行血膏

當歸

劉寄奴

頭髮

洗淨

生地

各一兩

將麻油六兩。銅鍋內煎至髮化。

藥黑瀝去渣。下白占八錢。不住手攪勻。候藥稍溫。下生寒水石。煨大黃。嫩黃柏。生礬末。各一兩。輕粉末二錢。攪至藥冷。埋土內。出火毒患者塗之。

治漆咬瘡方

木形人每患此症。

川杉木皮煎湯洗

之。蟹壳湯洗亦可。

又方。將活蟹搗爛塗上即愈。

取瘡中多骨方。用烏骨雞脛骨實以砒石鹽泥封固。

煨紅出火毒研末。飯丸粟米大。將白紙撚送入孔中。以拔毒貼之。其骨自出。

諸丹毒

治蛇丹方。刺鱧魚尾血。同蜈蚣搗塗。

治火丹方。將蜈蚣搗爛。磨好京墨汁和塗之。

又方。柏葉 蚯蚓泥韭菜地上者尤妙 黃柏 大黃各五錢 赤

小荳 輕粉各三錢 共研末新汲水調搽。凡生火丹

流火。切不可吃豬肉。吃則發腫不消。

又方。將冬青樹葉搗爛。和入雞子清。敷患處。以絹縛之。一週時卽愈。

治流火方

鮮紫蘇

鮮鳳仙花

將二味洗淨連根

葉搗爛。放木盆內。以滾水沖入。將腳架盆上。薰至可洗。以軟帛洗之。立愈。十餘年者。不過洗三四次不發矣。

治流火毒方

大黃

山梔

黃柏

雄黃

南星

右爲末。將瓦花搗汁。調敷。立效。

無名腫毒

治無名腫毒。未成。初起五天之內。照方一服。卽消。如毒旺。

者。接連三服。無不消盡。真神方也。用雞蛋一個。傾

在碗內。攪勻。入芒硝一錢。隔湯燉熟。用三白酒照量飲。

食盡為度。

內托護心散。防毒氣攻心。真菘苳粉一兩乳香五錢燈

心灰。右共為末和勻。以生甘草一兩煎濃湯調一錢。

時時呷之。

治男婦小兒一切無名腫毒。將苦絲瓜連筋帶子燒

存性為末。每服三錢。白蜜湯送下。日二服。夜一服。則腫

消毒散不致內攻。真妙方也。

治一切無名腫毒。魚口便毒。楊梅結毒等症。即消。名二

角消毒散。

雄羊角

二觔

血餘灰

一觔

穿山甲

半觔

角刺灰

一觔 右四味俱用文武火煨灰存性每服二錢或三錢

酒送下。

治一切無名腫毒。癰癤尤效。名四製鯉鱖丸。歸尾

五錢 大黃 荆芥 桔梗 乳香 炙 沒藥 炙各二錢 黃芩 連

翹 各三錢 防風 羌活 各二錢半 全蝎 一錢 蟬退 二十個 殭蠶 十二

五個 牛皮膠 一兩 雄黃 七分 用金頭蜈蚣四條去頭足分

作四樣法製一條用薑汁搽焙乾。一條用香油搽焙乾。

一條用醋搽焙乾。一條用酥搽炙。再用穿山甲四兩亦

作四製。一兩用紅花五錢煎湯煮焙乾。一兩用牙皂五

錢煎湯煮焙乾一兩用紫草節五錢煎湯煮焙乾一兩
 用蘇木五錢煎湯煮焙乾右藥共為細末真米醋打糊
 為丸每丸重一錢二分硃砂一錢五分共為衣磁瓶收
 貯瓶內放麝香五分以養之每服一九滾酒送下未成
 內消已成出膿神效。

治諸毒已成未膿之際服此毒不內攻。名琥珀蠟礬丸。

白礬一兩黃蠟一兩雄黃一錢琥珀一錢另一錢硃砂一錢白

蜜二錢右四味先研極細另將蜜與蠟銅杓內溶化離

火片時候蠟四邊稍凝方入上藥攪勻共成一塊一人

將藥火上微烘衆手急丸小寒豈大硃砂為衣磁瓶收

貯。每服二三十丸。白湯食後送下。病甚者。早晚日進二
次。

移毒方。凡毒在緊要處。移在閒處。庶不傷命。用地

龍裝在經霜絲瓜內。煨枯焦。連瓜爲末。每瓜末三錢。入
麝香二分。乳香沒藥各五分。雄黃一錢。蟾酥一分。黃蠟
一兩。共爲末。蠟丸。每服三分。上部要處。甘草桂枝麻黃
煎酒下。卽移在手上。而散。如在背上。羌活防風薑煎湯。
下移在背上。如下部。木瓜牛膝靈仙陳皮獨活薑煎湯。
下移在足上。神效。

治陰症諸毒膏。 附子 肉桂 川烏 草烏 大戟

芫花

甘草

甘遂

各七錢

一方加乾薑一兩四錢

附子

麻油二觔煎

治陽症腫毒膏

馬錢子

四兩

大黃

生地

各二兩

薄荷

玄參

黃柏

黃芩

梔子

血餘

各一兩

蝸牛

十個

右

用麻油煎去渣滑石研末收

治諸惡瘡腫核赤暈已成膿不肯用針刺以此藥代之但

用小針點破瘡頭貼上膏藥膿即自潰此秘妙良方

名萬寶代針膏

蓬砂

血竭

輕粉

各一錢半

金頭蜈

蚣

蟾酥

五分

雄黃

一錢

冰片

少許

麝香

一分

右為細末用蜜

和為膏看瘡有頭處用小針挑破以藥少許放紙上封

貼。次早其膿自出。如腋下。有耍孩兒。名暗疔瘡。或有走核。可於腫處。用針挑破。如前用之。忌雞羊魚酒麵等物。吃白粥三日為妙。

加味太乙膏。肉桂 白芷 當歸 玄參 赤芍

生地 大黃 土木鱉各二兩 上阿魏二錢 輕粉四錢 槐枝

柳枝各一段 血餘一兩 東丹四兩 沒藥末三錢 乳香五錢 麻油五兩

將藥入油熬熟。濾過煉成膏。每油一觔加丹六兩五錢。

夏秋再加五錢。

治癰疽神應膏。真阿魏三錢 麝香二錢 硃砂四錢 雄黃 五

靈脂 甘草各一兩 川烏 草烏各四兩 將鮮鮮開羊花

十觔。揀去梗葉。打自然汁。入瓦器中煎成膏。如稠糖爲度。將藥爲細末。入羊花膏內攪勻。勿令凝底。用大磁幾個。每盆將藥攤一薄層。置烈日中晒乾。取入磁瓶封固。如遇腫毒。用酒調勻。如半乾糊。將筆蘸藥。先從紅腫上面畫一圈。待藥將乾。再畫第二層於圈內。與前圈相連。卽將酒潤舊乾圈上。待第二圈將乾。再畫第三層於圈內。與第二層相連。又將酒潤外邊乾處。每乾一層。再畫進一層。止空當頭。如豈大一孔。使毒氣從此而出。圈完用酒常潤藥上。不可間斷。至半日乃止。待藥自乾落。不必洗去。其毒自消。一方只用三味。鮮鮮開羊花五十

筋打爛絞汁熬膏。川烏草烏末各二兩和入膏內。用法

同前。

八仙膏。龍骨 赤石脂 兒茶 血竭 乳香 沒

藥各一錢。輕粉五分或一錢。水片二分。用麻油二兩入當歸五

錢煎枯去渣。入龍石茶湯四味再煎一二沸。次入乳沒。

畧煎勻。後入黃占五錢溶化冷定入輕冰攤貼。

干搥膏。松香錫內溶化傾入清水內片時揉白取用約一筋草麻子六兩淨柏

油二兩白蠟二兩大黃 銀硃各二兩左顧牡蠣二兩用粗草包好入火內

煨存性。搥膏之法在光平青石上先將松香一二兩與

草麻一二兩鋪於石上用鐵鎚打碎乾則加草麻濕則

重編卷八 醫方 六三 異

加松香餘藥亦漸漸摻入。搥至極細膩為度。遇無名腫毒。攤貼用麝香少許。初起者一張便效。若已潰者用阿魏少許。即止痛且易收口。此膏忌見火。須隔湯燉軟攤之。

蜜膏。 治一切癩瘡。痰癭。廣瘡。下疳。久不收斂者。松

香一觔四兩醋葱汁煮過為末篩淨一觔 黃占 白占各一兩 輕粉一兩 乳香

沒藥 樟冰 象牙末炒 竹蛀屑 龍骨火燉 赤石脂

醋燉 海螵蛸去壳 人中白燉 面粉炒各五錢 兒茶三錢 血竭六錢 白蜜

一兩 桐油十三兩 右十八味先用松香溶化。次下桐油。次

下黃白二占。次下龍骨等藥。次下輕粉。次下象牙末。次

下乳沒。次下樟冰。次下白蜜。

生肌收口膏。治諸瘡并下疳及輕粉毒。乳香 沒

藥各去油 兒茶 血竭 輕粉各一錢 寒水石 水龍骨各

韶粉各三錢 髮灰 黃占 白占各二錢 麻油四兩 將油先

熬數沸。下蠟後下藥末。用槐枝攪勻。攤膏先以防風荆

芥苦參黃柏黃連連翹銀花甘草槐花葶苈粉各三錢。

煎湯洗淨其瘡。然後貼之。一方有鬱金一味。

種福堂公選良方卷三

種福堂公選良方

卷三

七

種福堂公選良方卷四

仝人公訂

跌打損傷

黎洞丹。治一切無名重毒。昏困欲死。並跌打損傷。瘀血

奔心。昏暈不醒等症。牛黃。冰片各二錢。阿魏五分。

雄黃各一兩。麝香二錢。生大黃五分。兒茶。天竺黃。人參。

三七。乳香去油。沒藥去油。血竭。臙黃隔湯煮十數次去沫。用子羊血拌晒。

如有山羊血加五錢不必。用子羊血以上藥各二兩。右共為末。將臙黃化開為

丸。如芡寔大。若乾少。用白蜜。外用蠟皮封固。每服一丸。

用無灰酒送下。外敷用茶瀾磨塗。忌一切生冷發物。

紫金酒。治一切風氣。跌打損傷。寒濕疝氣。移傷定痛。血

滯氣凝。此酒善通經絡。沉疴久病。無不獲效。每飲三五

杯。立見痛止。若預飲之。跌傷亦不痛。官桂 明乳

香 沒藥 廣木香 羊躑躅 川羌 各五錢 川芎 玄

胡 紫荊皮 五加皮 丹皮 鬱金 烏藥 各一兩

右為粗末。將好酒十斤。懸胎煮三炷香。分作十小瓶。

治跌打損傷。刀箭傷。軍中第一仙方。生狗頭一個 將肉

刮淨露天火 人指甲灰 血餘灰 各一錢 陳松香 五錢 共

研極細。摻傷處。斷骨即續。刀傷即愈。以四味等分。將酒

內服亦可。洗方。防風 荊芥 甘草 共煎湯

無風處洗

治箭鏃木器傷方。

用艾綿攤成餅子。將火硝細末鋪

上。再用大蠅螂搗成末。鋪火硝上。包在傷處。一日一夜

即出。

又方。用陳臘肉去皮。取紅活美好者。連肥切細。將新

象牙末。及人指甲末。拌臘肉內。剝合一處。厚敷四旁。一

飯頃。其鏃自出。一方。巴豆微炒。同蠅螂虫。同研敷之。

治金傷箭鏃傷方。

真降香兩一五倍子五錢 共為末。摻

患處。紮好。即收口。加象皮一兩。更妙。

治金瘡方。

用瀝青不拘多少。為末。加响銅屑和勻。摻

立愈。

又方。陳石灰 無毛小鼠 韭菜根 共搗極爛作

餅貼在背陰牆上待乾用刀刮下研細末敷之。

又方。并治筋骨斷。生半夏 降香節 紅銅屑

五倍子炒 右各等分爲末。摻上紫好。

又方。降香節 製白松香各一兩 血竭一錢五分 沒藥五分

蛤五錢炒 共末摻紫。一方用炒五倍子五錢不用蛤。

又方。五倍子炙 黃丹 血竭 大貝母各一錢 赤石脂

四錢海螵蛸二錢 龍骨二錢 共爲極細末摻之。

又方。用好雞骨炭擲地有聲者不拘多少與好松香

等分。搗成一塊。用老韭菜汁拌入陰乾。如此搗拌三四次。方研細末收貯。每遇金瘡敷之立愈。切不可飲冷水。及稀粥。只吃乾飯。

又方。

白蠟一兩 膽黃三錢

將麻油四兩煎數滾後下二

味再煎數滾塗傷處立愈。此方止痛止血並治打傷及湯火傷皆妙。一方用白蠟二錢。膽黃一錢。麻油一兩。

治刀斧傷止血定痛生肌。

真降香剉碎炒 五倍子微炒

頭髮灰 右各等分。為末。摻之。將乾箬葉護住。以軟綿

絮定。兩日一換敷。

立止血方。并治針灸疤痕肉發。洪出血。及一切血管出血。

不止者。用熟黃牛糞塗之即止。

立止血方。用舊綿絮燒灰掩之。

集靈接骨膏。生地 當歸 大黃 寄奴 雄鼠屎

各二兩 開羊花 紅花 上肉桂 川烏 草烏 大戟

芫花 甘草各一兩 甘遂五錢 五靈脂 山甲各一兩 紫金

皮 血餘 地鱉虫各三兩 野苧根四兩 右用麻油四十

四兩桐油二十四兩煎丹收好。加乳香沒藥血竭阿魏

各一兩。加桃柳桑槐更妙。另用地鱉末一兩。開羊花末

五錢收。

接骨丹。將糞窖內多年瓦片洗淨。醋煨九次研末。每

末一兩加五加皮。男子髮灰各五錢。好醋調。每歲一分。好酒送下。再用竹四片。將竹青向內。夾定患處。勿動。若皮破者。勿用搽藥。

又方。古銅錢五錢醋淬骨碎補去毛焙乳香 沒藥

各去油自然銅醋煨土鱉虫用生半夏一錢半炒血

錢二竭錢二共為末。服一分。加瓜蒌仁七個同研。放舌上酒

送下。頭一次加麝香一釐。

又方。用母雞一隻。要一斤重者。殺後連毛骨剝爛如

泥。再將雞血和肉再剝。敷于患處。用紬包緊。三日即愈。

透骨丹。治跌撲損傷。深入骨髓。或隱隱疼痛。或天陰則

痛或年遠四肢沉重無力。此藥主之真神方也。開

羊花子 一兩火酒浸炒三次 乳香 沒藥油不去 真血竭

童便浸一次焙乾 各三錢 右為末稱准和勻再加麝香一分同研磁瓶收

貯封固。每服三分。壯者五六分。不必用夜飯。須睡好方

服。酒可盡量送下。服後避風。有微汗出為要。忌房事酸

寒茶醋等物。虛弱者間五日一服。壯實者間三日一服。

桃花散。治跌損刀傷。狗咬爛脚等症。年久風化石

灰 十升炒至桃花色存性 錦紋大黃 一兩焙脆研末 將真麻油調敷。當

日敷更效。

加味鼠灰散。 陳石灰 六兩 大黃 一兩 童子髮灰 乳香

沒藥

蒲黃

各炒
三錢

右石灰與大黃同炒。至石灰紫

色為度。研細取末。開眼小鼠搗極爛和藥。又搗勻為餅。布包懸挂陰乾。不拘刀斧等傷。研末用韭汁拌敷之。

治跌打損傷方。

閃挫初時。即于無風處。將紙擦觸鼻

內。用力打噴涕二三十。則氣升而止痛。再用胡桃肉搗爛。傾熱酒內。盡量一醉而愈。

又方。

用非菜打汁。與童便各半。和熱酒飲醉。或有折

傷脫節。外用糟湯浸洗。忍痛揉上。用竹木綁紮。急尋地。驚虫炙脆為末。酒調服。

又方。

骨節跌損脫者。將生蟹一隻。打極爛。用滾熱酒

傾入。連飲數碗。卽以蟹渣塗患處。半日間。瑟瑟有聲。脫處自合。不能飲者。數杯爲率。

又方。地鱉虫酒炙十個。地蟾乾焙乾十條。自然銅醋煨二錢。骨碎補。

三錢。乳香五分。右爲末。加蘇木三錢。酒煎服。

又方。名七厘散。當歸尾。紅花。桃仁。大黃酒浸。

晒自然銅醋煨七次以上各一錢。土鱉虫去頭足炙焦五錢。黃麻根燒灰存性。

血竭。乳香。沒藥。兒茶。硃砂。雄黃。古銅錢。

醋煨七次以上各三錢。麝香五分。骨碎補去毛三錢。右爲末。每服大人

一分。二厘。小兒七厘。以陳酒送下。出汗爲度。

和傷方。用遠年地坑中坑砂。其坑雖不必在露天。却

要透風。有日光照着者爲妙。其砂取淌水石畔鑿下。厚三四寸者更佳。放屋中淨瓦溜中。風吹雨洒。日晒夜露。常常反轉。四五個月。看兩面俱白。已無臭氣。研極細末。每兩配入辰砂二三分。每服五六分。空心放舌上。陳酒送下。此方兼治一切虛勞吐血發熱。并婦人一切血瘀乾血癆症。

治青腫不拘破不破。不用開刀。一夜復原不痛。名松肉葱白膏。將不精不肥鮮豬肉二斤。去皮骨。加葱白要一斤半。再加明松香三兩。研極細末。以篩篩過。方可連葱放在肉內。斬爲極細。攤敷患處。以布脚帶裹緊。

不可寬。至週時皮肉還原。與不打無異。床上房內最忌放氈皮等物。須切記。若膿血水任其流放。總不妨。

治週身打傷方。用大生蟹一隻。小者兩三隻。搗極爛。

大熱酒冲服。極醉。一夜即安。

治頭面跌撲青紫方。用生半夏末。醋調敷之。神效。

治破傷風久不愈。手背強直。牙關緊閉者。南星薑汁製一

兩防風一兩蟬蛻五錢右為細末。每服三錢。滾黃酒一碗。

調服。再吃生葱三四根。以被蒙頭出汗。汗盡為止。忌燒

酒病重者。加魚鱧一兩。炒存性。研末。每服三錢。黃酒調

下。其風自退。一方名獨勝散。但用蟬蛻五錢。去頭足。

爲末好酒煎滾服之。

臨杖預服方。

自然銅

醋煨七次

當歸

酒洗打

無名異

洗去浮土

土

驚虫

乳香

沒藥

地龍

去土晒乾

蘇木

右各等分爲

末煉蜜丸雞豆大每服三丸開水下。

治杖傷方。

初杖時甚者即服童便酒紅花酒傷處用

熱酒浸揉洗血淨或未淨即用熱荳腐鋪上其氣如蒸

則血散矣。荳腐連換數次或白蘆薈煮半熟打爛乘熱

敷上連換則不至成杖癩傷命亦不至潰爛日久也。

又方。

用細白礬灰成塊者五錢以泉水或井水入灰

于內化碎攪數十下澄清將麻油小半碗亦可以前澄

清灰水傾去灰脚。不用清者。傾入油內。以箸攪數十下。其油卽乾。次將大黃細末五錢。樟冰五錢。同研勻入油內。調和。然後敷上。以皮紙蓋好。再加草紙。用脚帶紮緊。立時黃水血水流盡。鬆則再紮。腫消痛止而愈。一方。加生半夏末五錢。白斂二錢。尤妙。

又方。用毛竹節燒灰。重者五錢。輕者三錢。好熱酒送下。其痛立止。

治棒瘡神膏。用猪板油一斤。熬去渣。再入黃蠟三兩。

同熬。滴水軟硬得中。再下乳香沒藥去油。兒茶各一錢。二分。冰片一錢。共爲細末。卽傾入磁器內。候溫再加輕。

粉末三錢。布上攤貼。三日滿口。五日平復。

神效打板膏。治死血鬱結。呢逆不食。並夾棍傷爛。

乳香 沒藥 各去油 輕粉 血竭 各三錢 冰片 三分 麝香 一分

樟腦 二錢 黃蠟 一兩 猪板油 熬去渣淨 兒茶 二錢 右為細

末。將油蠟同化成膏。貼患處。晝夜流出惡水。即時蘇甦。

治夾打傷痛不可忍者。沽鯽魚 一個約二兩重者 陳酒糟 一

銅末 五錢 胡桃肉 四兩 共搗敷患處

預備夾棍方。並名小金蓮方。乳香 沒藥 各去油 一錢

草麻仁 炒 川烏 草烏 各五錢 右共為末。將肥皂二十

個。去弦及內外筋膜。同藥搗極爛。在夾棍先一日做四

餅敷兩拐骨過夜。次日洗去。任夾無妨。如治婦人金蓮。敷在足骨上。過一夜。次日洗去。骨軟如綿。

又方。

肥皂四五個

地驚虫二十個

銅末五錢

陳糟二兩

共搗

敷如前法。

治夾棍瘡方。

初夾下。將猪肉四兩。用胡椒照人一歲

一粒。搗爛敷上。紮好。不用洗。不可解動。一夜即愈。

又方。

一出衙門。即用熱童便一盆。將足浸之。如便冷。

燒紅磚二塊。淬之。即熱。直至童便面上。浮起白油。其傷盡出。庶不疾瘡。再用肥皂搗如泥。入雞蛋清和勻。敷傷處。以草紙包裹。用腳條縛緊。一夜不動。即效。內服末。

藥方。

人中白

取一兩

自然銅

五錢

乳香

去油二錢

木耳

燒灰存性

五錢牛膝

三錢

共為末。再用牛膝三五錢煎酒調服。如無

末藥可用。

當歸

川芎

乳香

獨活

鱉虱

胡

麻毛薑

紅花

五加皮

各一錢

將生白酒一壺煎

數沸。隨量飲。避風寒。厚被蓋出汗。即愈。如骨傷加土鱉

一枚。

治樓傷方。

指上樓邊有凹痕。用銀硃和酒磨濃。依痕

圈之。自復。

治自刎斷喉方。

自刎者。乃迅速之症。須救在早。遲則

額冷氣絕。必難救矣。初刎時氣未絕。身未冷。急用熱雞

皮貼患處。安穩枕臥。或用絲線縫合刀口。搽上桃花散。多些爲要。急以綿紙四五層蓋刀口上。以女人舊布裹脚。週圍遶五六轉紮之。頸項鬱而不直。刀口方不開。三日後急手解去前藥。再用桃花散搽刀口。仍急纏紮。過數日。用紅肉膏敷患處。外用生肌長肉大膏藥貼之。再以絹帛圍裹。針線縫緊。俟其長肉收功。桃花散方。

石灰

半升

大黃

一兩五錢切片

二味同炒。至石灰變紅色爲度。

去大黃篩極細末。此藥并治一切刀瘡出血不止。俱效。

餘糧丸

治脫力勞傷。

皂礬

入兩用紅醋二茶杯煨。至通紅色放地上出火。

毒

餘糧石

四兩醋煨七次

砂仁

四錢薑汁炒

白荳蔻

三錢枳壳

四錢厚

朴四錢 眞廣皮三錢 乾膝一兩 白芷二錢 川貝母一錢 鉄梗

茵陳五錢 海金沙一錢 益母花五錢 廣木香二錢 地骨皮二錢

右各爲末。煮黑棗爲丸。緩症朝服七分。夜服八分。重症

每服一二錢。好酒下。此方不獨治腫脹。如婦女乾血勞

產後朝涼暮熱。男婦反胃噎膈腹痛。小兒吃泥土生米

等物。及積年虛黃脫力黃疸等症。極重者。服至六兩全

愈。孕婦忌服。服此藥者。忌河豚。終身忌蕎麥。

又方。禹糧石四兩 皂礬四兩 浮麥四兩 生地二兩 熟地二兩

酒當歸一兩 貝母一兩 紅花五錢 香附二兩 生木香一兩

陳香圓炒二兩 白朮炒一兩 茵陳一兩 杜仲炒一兩 砂仁去衣 蔻仁

炒白芷 炒川牛膝 炒酒川椒 煨陳皮 炒陳松蘿 百草霜

炒枳壳 各一兩 藜蘘草 酒拌 益母花 各二兩 右共為末。棗

肉二斤 丸桐子大 朝服七分 暮服八分 陳酒送下 忌齋

麥諸豆 麵食魚腥 萱花糟物 瓜茄生冷 產後去皂礬。

圍藥

將軍欽籜散。治諸毒瘡紅腫突起。用藥四圍籜之。不令

滋蔓走注毒氣。南星 大黃 蒼耳根 鹽霜白

梅各一兩 白芨 白斂 防風 川烏 各五錢 草烏 雄黃

各三錢 右為細末。先以蒼耳根霜梅搗爛拌藥。如乾入

醋調得勻。在瘡四圍用藥作鉄筆敷之。止畱瘡高突處。

如藥乾。以雞毛蘸水潤之。日換二三次。大妙。方內亦可。

再加陳小粉五倍。白芷。蝸牛。芙蓉葉。薄荷。人中白等藥。

又方。白芨。白歛。南星。半夏。劉寄奴。各四兩。草

烏。五倍子。石膏。大黃。各六兩。芙蓉葉。八兩。右共為

末。毒硬者。菘荳粉和醋調敷。毒軟者。以蜜調敷。甯頭出

氣外。以紙貼之。神效。

又方。五倍子。十兩。鳳仙花子。三兩。皂莢。三兩。大黃。三兩。

陳小粉。炒黑。明礬。各三兩。土木鱉。炒黑。人中白。如無皮硝代之。

共為細末。醋調敷。神效。一方加芙蓉葉三兩。

圍藥方。無膿即消。有膿即潰。五倍子。一兩。白芷。六錢。錢

黃 百草霜各三錢 生半夏 生南星 白芨 陳小粉

飛麴各四錢 共為末。紅醋調敷。

一筆消。治一切癰腫。雄黃 胆礬 礬砂 騰黃

銅綠 皮硝 草烏各一兩 麝香二錢 右為細末和蟾

酥為條。如筆管大。金箔為衣。用時以醋磨濃。將新筆蘸

藥塗四圍。連塗數次即愈。

神應圍藥。治氣血不和。壅遏為瘡。高腫赤痛者。又兼治

痰鬱寒濕為瘡者。用雄小活鱖魚七個。鮮山藥四

兩。大蔥頭連鬚二十一個。共搗爛。再用千年陳石灰半

斤。生南星。生半夏。白芨。赤芍。細末各一兩。和勻。陰乾。再

研爲細末。臨用之時。蜜水調敷。四圍外用綿紙掩之。

治一切無名腫毒圍藥。

臙黃五錢 五倍子二兩 白蜜 葱

頭各一兩 用米醋調圍患處。留頂勿敷。

應手散 金銀花 白芨 白欵 川烏 草烏 芙蓉

蓉葉 南星 半夏 大黃 五倍子炒黑 陳小粉炒黑 陳

石灰用桃桑槐枝拌炒 牙皂二兩 乳香 沒藥 蟾酥各五錢

丁香四錢 共研細末。臨用時加麝香一分。陽毒用醋

調敷。陰毒燒酒調敷。如毒堅硬。加鮮山藥葱白頭人頭

上垢糖霜。搗和前藥。調敷患處。中留一孔出氣。

四虫丹。治諸般疔瘡發背。一應惡瘡神效。芙蓉葉

紫地丁 各一斤 干金子 十兩去油壳 桑虫 二兩活桑乾或炙 一兩晒

乾薑汁 各半斤 蒜汁 五兩 葱汁 五兩 右用陰陽水四斤煎至

半斤去渣。再用江蛄三兩。麝香三錢。雄黃一兩。研蜈蚣

一兩。研。燒酒三兩。盛傾銀罐內。將鉄油蓋蓋定。炭火昇

過。候酒盡。卽起。再用燒酒一斤。并後五味入藥。內熬

成膏子。用磁器收貯。臨用時。將井水化開。圍患處。如火

之熱。其毒卽時消退。可收下。再治後人。如不煎膏。將前

藥晒乾。酒燒酒再晒再洒。酒盡爲度。作末收藏。臨用時

篩細。以井水調圍亦妙。

立消腫毒方。名五色蟾酥墨。雄黃 銀硃 胆礬

韶粉 螻黃 銅綠 礪砂各一兩 麝香一錢 右共爲

末用蟾酥爲條。如筆管大陰乾水磨塗患處立消。

治一切陰症毒瘡惡癩初起。白色不甚腫附骨極痛敷藥

提出陽分。生半夏 生山梔 生白芥子 右各

等分。飛麵葱汁白蜜調圍頂上留一小孔乾則以葱蜜

汁潤之。一日兩換自然紅腫高起。

治陰症疽發。艾葉一斤 硫黃 雄黃各五錢 以水同煮

半日搗爛候溫敷上。再煮再易十餘次知痛者可生。

治陰症敷藥方。山梔 苦杏仁各二十粒 北細辛二錢 青

壳鴨蛋清一個 白蘿蔔一個 小飛麵文 葱頭二十個 蜜一兩

右藥研末。共搗爛。寒天隔湯燉溫敷患處。每日一換。敷

三次即消。

治陽症圍藥方。

花粉 黃柏 薑黃 薄荷葉 人

中白 大貝 五倍子 芙蓉葉各三兩 白芷 南星

白芨 白歛各一兩 大黃 小粉各五錢 右共為末敷

患處。

拔毒異法。以極細鉄屑。將好醋煎二三沸。撈醋

中鉄屑。鋪于患處。將上好活磁石一大塊。頻頻吸之。陰

症用此。其毒自出也。

清涼救苦散。治一切天行時疫。頭面耳目鼻腮項頸紅

腫痛。芙蓉葉 桑葉 白芨 白歛 車前 大

黃 黃連 黃柏 白芷 雄黃 赤小荳 芒硝

右各等分研末。蜜水調敷。頻頻掃之。

提藥

提藥方。治諸毒不起。敷之立起。 臙黃 雄黃各三錢

蟾酥 紅藥各二錢 冰片 麝香各一錢 草麻子肉一兩 先

將草麻肉去皮打如魚凍水入諸藥打成膏。磁罐收貯。勿令泄氣。按此方與砂臙散相較。斟酌其分量。該用臙黃雄黃各三錢。紅藥三錢。或四錢。冰片蟾酥或不用。麝香或三分。再宜加辰砂一錢。

大提藥方。圍敷初起對口發背惡疽。四五日即可消。

雄黃 臙黃

真當門子

各一錢

硃砂

三分

草麻子肉

三錢要

老不嫩 紅昇藥

一錢五分如用一錢則畧緩難效

先將草麻子研如泥。

後和各藥研爛。用象牙匣封藏。外用虎皮包好。則不泄氣。

黃提藥方。

鬱金

雄黃

臙黃

各二錢

牛黃

蟾酥

礪砂

麝香

冰片

各五分

巴荳肉

八錢

草麻肉

右各

研細搗磁。遇症放膏藥上少許貼之。治一切惡毒未成。可消。已成用之化腐。疔毒更妙。

白靈藥

蘆甘石

一兩

黃連

一錢

黃柏

黃芩

各二錢

將三

黃煎濃汁。將甘石放在銀罐內，燒極紅收汁。約九次以
甘石酥爲度。晒乾研細。加水片五分。治口碎點眼甚妙。
加珍珠少許。治下疳。可生肌長肉。凡有熱毒。配三白頭
鼻藥。人乳調敷立愈。

紅鼻丹。名五靈鼻藥。水銀 白礬各五錢 硃砂 雄

黃各二錢 火硝八錢 右照鼻法鼻之。凡一切無名腫毒。

如潰久內敗。四邊紫。色將靈藥水調研稀。以雞毛
掃于黯肉上。立刻紅活。死肉脫去。再上生肌散。卽收功。
凡通腸痔漏。將此藥以紙捲成條。插管內。七日。其管卽
隨藥條脫去。

降藥

白降丹 名夏水對配丹。 水銀 淨火硝 白礬

皂礬 炒白鹽 以上藥各九錢。煉法將前藥共研至

不見水銀星。盛于新大傾銀罐內。以微火鎔化。火急則

水銀上昇走爐。須用焯炭爲妙。熬至罐內無白烟起。再

以竹木枝撥之。無藥屑撥起爲度。則藥吸于罐底。謂之

結胎。胎成用大木盆一個盛水。水盆內置淨鉄火盆一

個。以木盆內水及鉄盆之半腰爲度。然後將前結就之

胎。連罐覆于鉄盆內之居中。以鹽水和黃土封固罐口。

勿令出氣。出氣卽走爐。再用淨灰鋪于鉄盆內。灰及罐

腰將灰按平。不可搖動藥罐。恐傷封口。卽要走爐鋪灰。畢取燒紅栗炭。攢圍罐底。用扇微扇。煉一炷香。謂之文火。再畧重扇。煉一炷香。謂之武火。炭隨少隨添。勿令間斷。而見罐底。再煉一炷香。卽退火。待次日盆灰冷定。用帚掃去盆灰。併將封口水去淨。開看鉄盆內所有白霜。卽謂之丹。將磁瓶收貯待用。愈陳愈妙。其罐內原胎。研摻癰瘡神效。若恐胎結不老。罐覆盆內。一遇火煉。胎落鉄盆。便無丹降。亦爲走爐。法用鉄絲作一三脚小架。頂爐內撐住丹胎。再爲穩要。此丹如遇癰疽發背疔毒。一切惡毒。用一厘許。以津唾調點毒頂上。以膏藥蓋之。

次日毒根盡拔于毒頂上頂上結成黑肉一塊三四日
卽脫落再用昇藥數次卽收功。此丹用蒸粉糕以水
少潤共和極勻爲細條晒乾收竹筒內名爲錠子凡毒
成管卽約量管之深淺插入錠子上蓋膏藥次日擠膿
如此一二次其管卽化爲膿管盡再上昇藥數次卽收
功矣。此丹比昇丹功速十倍但性最烈點毒甚痛法
用生半夏對攪再加冰片少許能令肉麻不痛。

又方。

水銀一兩

青鹽

皂礬

各二兩

火硝

二兩

礪砂

雄

黃

硃砂

各三錢

白砒

五分

明礬

二兩

右共研勻

放陽城罐

內

微火煨乾後降三炷香候冷取藥不可放生人雞犬

冲破醋腫毒未成名件者。用醋調點患處頭上。看毒大小如桐子大。泡起毒即消。若已成不肯穿者。亦用此丸。將膏藥貼頭上。半日即穿。

又方

水銀

火硝

生礬

各五分

食鹽

二分

右共研末

入傾銀罐內。放炭火。上文火煎滾。滾至邊上。先起焦黃色。候至滿面俱焦黃米色為度。將罐離火候冷。再用圓正搗盆一個。裏面須揀光細者。將銀罐連藥輕輕倒合在搗盆內。罐口與搗盆縫間。須用棉紙條墨水潤濕。加鹽泥封固。然後將搗盆坐于大水盆中。罐底上先加文火用扇扇之。先文後武。煨至以五寸線香為度。退去炭

火候冷。先掃去罐口外鹽泥。然後開罐取降。干搗盆底內之藥。藥色以潔白如霜者爲上。若青黃黑色者不可用。或以銀簪脚與磨亮刀頭略沾微唾。蘸藥在上。卽刻起鏽者爲佳。每用。用新棉花蘸藥。敲些些于膏藥上。比鼻藥更要少些。貼後兩杯熱茶時卽發痛。半日卽止。毒重者。每日一換膏。毒輕者。貼兩三日亦不妨。若貼大腫毒膏上。先放些寸香阿魏。然後上此藥。少許貼之。若要。做咬頭藥。代針丸。將麵糊以竹片拌和。做成細條。切作芝麻粒大。放膏心中對腫頭貼之。此藥不可沾在指頭上。沾則要疼痛發泡退皮。此藥陳久者。少痛性和緩。却。

要多用些。如第一次降完開出倘藥色不白。可將罐內之藥刮淨。此藥無所用處。只將降于搗盆底內之藥刮出。另將水銀火硝生礬各五分。食鹽二分併將搗盆內降不透之藥與四味頭一併研和。從新再入銀罐。照依前法降之。此藥若一次降不如法。不妨兩次三次連降。卽降至十數次方能降好。計筭已有水銀五錢在內矣。每次只要將銀罐刮淨。或另換新銀罐。每次只要用水銀火硝生礬各五分。食鹽二分。直降到好方止。初起煎時。須要火候得法。若火候不及。則罐中結胎尙嫩。水銀尙活。倒合轉來。非連胎墮入搗盆底內卽活。水銀先

潤入搗盆底中。若火候太過結胎太老。非水銀先已飛去。卽有降不下之病。總以結胎不嫩不老爲度。用煇炭火最得法。凡瘡毒已穿破者忌用。

代針點頭

代針膏 治瘡瘍膿熟不潰。乳香二分 白丁香 巴豆

炒各五分
焦碱分

右爲末。熱水調點瘡頭。乾則常以碱水潤

之。

又方。桑木灰七錢 礪子灰五錢 蕎麥稽灰 茄科灰各一兩

右四味放鍋內水五碗滾十數滾。用布袋濾去渣。將水從新用鉄杓熬至一小杯存用。如腫毒數日內有濃不

得自破。其頭如瘡大者。將此藥在頭上畫一十字卽破。其膿就出。諸般大瘡。有疔角腐肉不脫者。用此藥水洗之卽去。又點面上黑痣雀斑神效。

透骨丹。 蟾酥 硼砂 輕粉 巴豆各五錢 蝸牛二箇 麝

香一分 先將藥研細。後入巴蝸再研。磁瓶收貯。每用少許。乳汁化開。將瘡頭輕輕撥破。挑藥如米許。大納于瘡口。外以膏藥蓋之。

長肉收口

生肌散 卽名海龍粉。 龍骨 血竭 紅粉霜 乳

香 沒藥 海螵蛸 赤石脂各一分 嫩石膏一分 右爲

細末敷上極效。大凡諸生肌散內要配紅粉霜。若要
去腐肉。每生肌散一兩。配入粉霜。或三分或五分。如治
下疳等瘡。每兩只配入一二分。

又方。血竭 象皮 蚌壳灰 大貝母 龍骨各一錢

赤石脂 熟石膏各二錢 兒茶八分 乳香六分

收口搽藥。龍骨一錢 厚象皮二錢 熟石膏五錢 兒茶

輕粉 乳香 沒藥二味 琥珀各五分 白螺螄壳煨末二錢

右共為細末。搽上即愈。

又方。燈草灰 白螺螄壳煨末 舊黑傘紙煨灰

輕粉各三分 冰片 珍珠各五厘 血竭二分

八寶丹。治腐肉已盡。新肉遲生。摻上立效。乳香

沒藥各去油 血竭 輕粉各二錢 兒茶 龍骨 鉛粉各一錢

冰片五分 共為極細末。用筆管細細篩瘡上。

潤肌散。治一切瘡癩結蓋後乾痛。及冬月手足凍裂。并

湯火傷。當歸 生地各五錢 真麻油四兩 將藥入油

內熬十數沸去渣。加黃臘一兩磁瓶收貯。一方用黃

占七錢。白占五錢。

麻藥

麻藥方。此係外科動刀針不痛之藥。白芷 製半

夏 川芎 木鱉去壳依法泡製 烏藥 牙皂 當歸 大茴

香 紫金皮各二兩 木香五錢 川烏 草烏各一兩 俱生用 共為

細末。每服一錢。好酒調下。麻木不知疼痛。若人昏沉。用

鹽水飲之即解。

又方 名孫武散。 葶撥 生半夏 南星 肉桂

乳香 沒藥 胡椒各一錢 川烏 三七 蟾酥 草烏

各二錢 丁香八分 麝香少許 花蕊石二錢 風茄子三錢 共為細

末。入磁瓶內。臨用敷之。

癰癭

治血癰方。 用甘草煎膏。以筆塗四圍。一日上三次。又

將芫花大戟甘遂各等分。為末。醋調。另以新筆塗甘草

圈內勿近甘草。次日縮小。再加前塗三四次愈。

繫瘤法。兼去鼠疔痔。

用芫花根洗淨。帶濕不得犯

鐵器。于木石器中搗取汁。用線一條。浸半日。或一宿。以線繫瘤。經宿卽落。如未落。再換線。不過兩次。自落。落後以龍骨訶子末敷瘡口。卽合。繫鼠疔痔。依上法。累用之。極效。如無芫花根。只用花泡濃水浸線。

消癰方。

用極細生鐵屑。醋拌。放銅杓內。煨乾。則再拌。

如此三次。研極細。再用醋調敷。便覺患處不甚適意。過一宿。剝去。再敷。以平爲度。

治眼皮生癰方。

用生雞蛋一個。頂上敲一小洞。入川

貝母末三分仍糊好飯上煮熟食之。每日吃三個一月愈。

枯癩散，
灰莧菜即藜藿晒乾 蕎麥燒灰 風化石灰碗一

三味和一處淋汁三碗慢火熬成霜取下配後藥。

番木鱉三個搗去油 巴豆六十粒搗去油 胡椒十九粒擦去粗皮 明雄錢一 人

言錢一 右共為末入前藥和勻以磁瓶收貯不可見風

以滴醋調勻用新羊毛筆蘸藥點癩當頭。癩有碗大則

點藥如龍眼核大若茶杯大則點藥如黃豆大。乾則頻

頻點之。其癩乾枯自落。如血癩破以髮灰摻之。粉癩破

以白麻皮燒灰摻之外以膏護好自能斂口收功。

斂瘡膏 治癭瘤枯落後用此搽貼生肌收口 海蝶

蛸 血竭 輕粉 龍骨 象皮 乳香 各一錢 雞蛋 五個

煮熟用黃熬油一小鍾 右各研細末將蛋油調勻用甘草湯洗

淨患處以雞毛掃敷再將膏藥貼之

治癭氣頸腫方 黃藥子一斤 酒十斤浸之入餅蒸

透常常飲之勿絕酒氣三五日漸消常把鏡照或以線

每日量之覺消即停飲否則令人項細也

海帶丸 治癭氣久不消 海帶 海藻 貝母 青

皮 陳皮 各等分 右共為末蜜丸如彈子大食後噙一

丸

諸瘋

治大麻瘋方。此症全身腫脹。頭髮眉毛俱落。兩脚臭爛者。將蝦蟇一隻。用泥裹之。燒熟。去泥。乘熱放磁碗內。以滾黃酒沖入。上用小磁碗蓋之。泡半時。止服酒。取汗爲度。只服一次。三日全愈。

治驚掌瘋方。用白鴿糞爲末。夜間先用生桐油塗患處。將鴿糞燒烟薰之。須用舊吊桶去底。罩火上。以手架桶上。手上用物遮蔽。勿使烟氣泄去。薰至黃色爲度。薰後勿洗手。須過一夜。二三次卽愈。

又方。用紫背浮萍不拘多少。晒乾。瓦上燒烟。將患處

薰之。到熱時。用扁柏搗汁塗之。極重者三次必愈。

又方。將蓀葦草一把。藏糟一小塊。煎湯洗手。將生桐

油搽患處。用青松毛紮緊。炭火上燒烟薰手。勿見湯水。

次日再洗再搽再薰。如此七日全愈。指甲壞者俱效。屢

試屢驗。真神方也。六月伏中治之。更便除根。

又方。用大黃鱈一條。去腸與頭尾。切一寸一段。以香

油一兩入鍋內。將鱈魚豎起煎之。將枯去魚留油。入磁

罐內。將穿山甲燒為末。用少許以此油調搽。患處將炭

火炙。

又方。併治一切毛足瘋。用香樟木打碎煎湯。每日

早晚溫洗三次。洗半年必愈。

治鶴膝瘋方。此症初起。雖用火針及灸。及一切敷提之藥。皆不能效。必要使兩膝眼發泡。泡穿出黃水。方能奏功。用老虎腳跡草。取其根打爛。入蜆壳內。合膝眼上紮好。待發泡挑穿出水。俟其結疤。卽能行矣。大約一月全愈。一方用鉄線帚草根一分。石見穿草用根梗。俱紅色者佳。連根梗葉俱用。如秋冬根梗俱老。止用其葉半分。俱要當日取鮮鮮者。隔宿勿用。同打加飛麵少許。亦紮膝眼內。

又方。鬧羊花。

蒼朮各四兩

將童便煎數滾洗患處。

又方。

大肥皂

四個

生薑

葱

各四兩

大附子

八錢

硫黃

五錢

將陳米醋一斤。煮藥搗如膏。加樟冰一兩共研。和敷患

處止痛。

治白癩瘋方。

硫黃

蜜陀僧

輕粉

各一錢

麝香

五厘

右共為細末。白水茄蒂蘸藥擦之。生薑片亦可。糟茄蒂

更妙。

治腎囊風濕熱疔瘡作痒。搔之則痛。

名蛇床子湯。

蛇

床子

歸尾

靈仙

苦參

各五錢

用水五碗煎數滾

入盆內先薰後洗。兩三次即愈。

治腎囊痒方。

用葱三十根。胡椒花椒各一兩。蛇床子

末一兩均作三服煎湯洗之立愈。

治腎囊腫痒內有疥虫。用好花椒烘脆研極細末。真

柏油調塗。外以舊帛包之。

治腎囊瘋腎子腫大。一名綉球瘋。將雞蛋煮熟去

白留黃炒出油。再用老杉木燒灰存性。調油搽之。

治腎子爛出方。用老杉木燒灰存性。蘇葉爲末。各等

分敷上。仍以蘇葉包之。

治腎子腫如水晶陰汗潮濕方。用灶心上三升研碎。

砂鍋內炒極熱。加川椒小茴香于上。將陰囊放在土面

冷卽再炒三次卽愈。內服除濕湯。

治囊濕方。

白枯礬

五錢蛇床子

二錢黃柏

大黃

石菖

蒲

各一兩

右為細末和勻。河水調敷。濕則乾摻。或用六

一散摻之亦效。

治男子陽痿囊濕女人陰痒方。

用蛇床子煎湯洗之

立愈。

癬疥

治各種癬瘡方。

用新鮮羊蹄葉不拘多少搗爛。加川

椒白糖並食鹽少許。以布共包之。浸好陳醋內半日。取

布包楂癬。三日即愈。

治濕癬方。癬成濕瘡浸淫轉甚。以至諸藥不效者。

用蘆薈二兩。炙甘草一兩。俱研極細末。先以溫漿水將癬洗淨。敷之。立乾便瘥。真神方也。

治癬方。

用大露蜂房一個。不拘多少。以生礬填入孔內。用破罐盛之。仰口朝上。用炭火煨令白礬化盡爲度。取出研末。搽癬上。一二次。卽除根。永不再發。

又方。

火硝

石灰

輕粉

硫黃

銀硃

右各等

分研細。用老薑汁。谷樹汁。大蒜汁。蜜汁。土大黃汁。共和一鍾。將前藥入汁內。攪如漿糊。先用穿山甲刮破。取槓榔切斷。蘸藥擦五日愈。

又方。

名九薰丹。

用上好銅青二二三兩。研細。將上好

燒酒拌之。須不乾不濕。塗于粗工碗底內。翻轉合地上。以磚墊露一線。下以蘄艾薰之。候乾再拌再薰。如此九次。少亦要七次。約以青色帶黑為度。然後再研細。將燒酒拌做成錠子。用時以醋磨搽。每日三五次。三五日後。若覺乾裂。以菜油少許潤之。七日可愈矣。

又方。

生半夏

三粒明礬一錢

鳳仙花

二十朵梗葉亦可

土大黃根

不拘多少

右共搗爛和醋少許。先以穿山甲刮碎患處。擦

上即愈。

又方。

銀硃

臙黃

各一錢

將谷樹汁調搽一二次即愈。

又方。川槿皮 海桐皮 尖櫛 樟冰 苦參 黃

柏

白芨各二錢

雷丸一錢五分

楓子

杏仁各二十粒

木鱉

用火酒浸七日。將穿山甲刮癬少碎。以酒搽之。即

愈。

又方。

土槿皮

二兩

苦參

一兩

斑蝥

一錢去頭足尾炒黃

土木鱉子

肉三錢尖栴榔

生礬

生南星

各五錢

生半夏

三錢

用河

水井水火酒各一碗。將前六味先浸一宿。至臨煎時入

南星半夏。再添河水井水火酒各一碗。煎一炷香時候。

去渣存性。埋土中七日出火毒。否則發泡痛甚。不時塗

擦。

椰五錢忌蛇床子五錢斑蝥七個用糯米同炒先將

水銀放罐子內，即入青鉛二錢，俟青鉛與水銀烱成一

塊，取起，然後將柝椰研細，次將斑蝥研，再將明礬雄黃

研搥以極細為妙，諸藥和勻，方入水銀再研，用無蠟柏

油再研和搽，擦一二次即愈。凡男婦并小兒頭上乳

頭上陰囊上，俱忌搽。未出痘小兒忌搽。

又方，蛇床子 苦參 蕪荑各一兩 雄黃五錢 枯礬一兩

硫黃五錢 輕粉二錢 樟腦二錢 大楓子肉 川椒各五錢 右各

為細末，生豬油調擦。

汗斑

治汗斑方。白附子 硫黃 蜜陀僧各一兩 右俱為

末。用生薑蘸搽，三五日即愈。

又方。蜜陀僧錢五 硫黃兩一 右研細末。醋調煨，薑蘸搽

患處。次日即焦，每日搽一次。七日內須忌洗浴，待其黑

色退即愈矣。

治夏月汗斑如疹方。蜜陀僧錢八 雄黃錢四 右研極細。

以薑蘸藥擦之。

治癬子方。棗荳粉兩一 滑石錢五 輕粉錢二 右為細末，以

棉蘸藥朴于患處。

雀斑

治雀斑方。名豔容膏。

白芷 甘菊花去梗各三錢 白菓

二十個 紅棗十五個 珠兒粉五錢 猪胰一個 右將珠粉研細。餘

俱搗爛拌勻。外以蜜拌酒釀燉化入前藥蒸過。每晚搽

面。清晨洗去。

又方。名玉容散。白殭蠶 白附子 白芷 三柰

。 礪砂各三錢 石羔 滑石各五錢 白丁香一錢 冰片三分 右

為細末。臨睡用少許水和。搽面。人乳調。植更妙。

治雀斑酒刺。白屑瘋皮作癢。名玉肌散。真茱荳粉

八兩 滑石 兩一 白芷 兩一 白附子 錢五 右共為細末。每晚用數

錢搽面。

治雀斑亦治瘡疤

將清水調鷹糞塗之自愈。

疣痣

點一切疣痣及瘰肉雞眼方。

桑柴灰風化石灰各一

斤鮮葳靈仙六兩煎濃汁淋二灰取汁熬成稀膏磁器收貯用點諸患處不必挑破應手而除。

治痣方。

用水調石灰一盞如稠粥樣揀整糯米不破

者半插灰中半出灰外經一宿米色變如水晶樣用簪挑少許置米於痣上半日痣自脫出不得着水三二日愈。

小兒

治小兒初生下。滿身無皮。但是紅肉。用早稻米粉乾。

撲至生皮方止。或以伏龍肝雞子清調塗。

小兒初生

小兒初生。即服此藥。花痘稀疏。并不生瘡癩。大黃分

甘草一分硃砂五厘另研末將上二味入乳浸。飯上燉一時。

去渣加入硃砂調勻服之。

凡小兒初生。口腭并牙根生白點。名馬牙。不能食乳。急用針挑破出血。用好京墨薄荷湯磨。以手指蘸墨遍口腭擦之。切勿令食乳待睡方可。

小兒雪口

硼砂七厘 火硝三厘 水片五厘 銅綠一厘 共研極細末。用新羊毛筆蘸桐油潤筆。再蘸藥末。敷於口舌上。半日即愈。甚者敷二三次。

小兒初生數日內。不吃乳。舊方用猪婆乳。然而難得。今即用活蚌剖開取水。三四茶匙服之。即能吃乳矣。神妙。

小兒臍風

初生後七日。或臍口受風。令兒生病。令乳母每日午時前。看小兒上腭牙根。但有如粟米白泡。隨用手輕磨破。可免他疾。

臍爛不乾

用白羯子。即箕子燒灰敷上。即愈。或用枯礬龍骨。煨過為

末敷上。

封臍散。斷臍帶後用。龍骨一錢煨。紅棉灰一錢歸頭一錢

焙右為細末。用少許乾摻臍內。

小兒無辜卒死

取葱白。納入下部。及兩鼻孔中。氣通。或嚏。即活。

稀痘丹。赤荳小飯黑荳。棗荳。粉草各一兩為細末

用竹筒刮去皮。兩頭留節。一頭鑿一孔。以藥末入筒中。

用杉木砧塞緊。黃蠟封固。外以小繩繫之。投入臘月廁

中。滿一月。即取出。洗淨。風乾。每藥一兩。配臘月梅花片

三錢和勻。若得雪中梅花片落地者。不着人手以針刺取者。更妙。如急用。入紙封套內。畧烘即乾。見大者用一錢。小者用五分。俱以霜後絲瓜藤上小絲瓜煎湯調空心服。湯宜多服。服後忌葷腥。十二日解出黑糞為驗。一次可稀。三次不出。每年服一次。

稀痘神方。

傳方之家已十三代未出天花矣。

草麻子

三十六粒去壳揀白色者去衣用黃

色者不用。硃砂一錢須透紅。劈砂另研細末。

真麝香

五厘。將三味於乳鉢

內研爛如泥。每年端午日午時。用手指蘸藥。搽兒頭頂心。前心。後心。兩手心。兩足心。兩手灣。兩腿灣。兩腋下。共搽十三處。如銅錢大約半分厚。搽藥後任其自乾自落。

不可洗去。即端陽前半月。初生小兒亦可至期搽用。

梅花丸。治小兒痘疹起死回生之病。臘月取梅花

不拘多少。陰乾。有一兩外用。當歸一錢五分 茯苓一錢 升

麻五分 竹茹八分 甘草三分 用水鍾半。煎至八分。溫熱時將

梅花拌浸一日。取出晒乾。研極細末。如小兒病。用雄雞

一隻。吊起左足良久。將竹鎗入雞喉內。取血。調梅花末

為丸。如茶。荳大。滾水送下。二丸。即刻見功。如小女兒病。

用老雌雞。吊右足。如前取血。製造晒乾。以好磁器收貯。

不拘遠年近日。聽用。此方濟人萬無一失。小兒臨危。任

是毒甚。畧有微氣。用滾水送下。不拘時。只不宜多服。

人牙散。人牙一兩鹽泥固腭研極細末。每服一枚酒下。

凡痘蜜如蠶種皮毛一片。無異蠶跡者死症也。法取人

牙煨研酒調。四五朝時服之。痘可立起。

換痘丹。犀角兩梅蕊兩絲瓜灰兩雄黃錢一硃砂錢二滑

石錢一麝香分三右為末。用麻黃膏丸如芡實大。每服

一九酒漿化下。凡痘蜜如蠶種皮毛一片者。服此毒便

解。痘即變。另發一層好痘。起死回生。

紫金錠。治小兒一切危痘。各照湯引磨服。神效。辰砂

五錢陳胆星錢五蟬蛻錢三甘草錢三麝香錢一蛇含石兩四一方加

殭蠶錢四白附子錢四白茯神錢四白朮錢四一方加殭蠶錢三白

附子五錢減去甘草一錢

共爲極細末。飯搗丸。每錠重五

分。

救逆痘

痘至七八日。或十日。灰陷倒塌。抓破無血。空壳無漿。目開不食。破損處如焦木灰色。危篤垂死。老白雄雞冠血。愈多愈妙。白酒釀十匙。芫荽汁二十匙。三味攪和。隔湯燉。徐徐熱服。少待皮膚紅活。卽有另發大痘。目復閉。面復腫。其內陷之毒。皆復發出。漸思飲食。初與米飲。次與黃芪粥。飲不必更服他藥也。服一次。若未全起。五更再與一服。倘面紅氣喘不妨。

神燈照法。治痘癢塌之極。火到癢除。川椒 艾葉

紅棗 芫荽 茵陳 乳香 白芷稍 陳香圓 安

息香 共為末作紙燃薰照。

白螺散。治痘抓破。白螺螯不拘多少片腦許少 香油調

搽患處即愈。

治痘後翻疤。膿水漬蔓延。赤石脂兩一寒水石兩一大貝

母七錢 為末乾摻。

象牙散。治痘後翻疤。新象牙三錢兒茶一錢殭蠶二錢

炒斷珍珠三錢腐製。共為極細末。用油胭脂調塗毒水

如注。漸漸收口。

痘瘡餘毒眼目膜障。用蛇退一具。洗淨焙燥。又用天花粉與蛇退各等分。以羊肝破開入藥在內。麻皮縛定。再用米泔水煮熟食之。旬餘即愈。再蛇退須用潔白色者。若用雜色者有毒。

拔毒散。

治痘後手足肩背痘毒癰腫。

韶粉一兩 大黃

五錢 炒

雄黃

三錢 另研

五倍子

一兩 炒

乳香

五錢 另研

沒藥

五錢 另研

黃丹

五錢 炒

白芨

一兩 炙

白欵

一兩 炙

黃柏

七錢 炒

白芷

一兩 焙

共為細末

末蜜水調搽

治痘毒方。

用鮮鮮棟樹根皮。同菘荳搗爛。厚敷患處。

立愈。

齒病敷藥方。治小兒痘疹餘毒。牙齦破爛出血。或成走馬牙疳者立效。并治大人牙爛。口舌破碎如神。人中白錢一。銅綠三分。麝香一分。共為細末。茶洗口牙淨後。用指頭蘸藥末敷上即愈。

天花開在眼中方。用新象牙磨水。滴入眼其花即退。

痧症發不透。

穿山甲

五分炙為末收起

先以西河柳一兩薄荷

五分水煎濾清。入白酒釀山甲末。調和熱服。暑月不用

酒釀。

探生散。治小兒急慢驚風。諸藥不治。以此定其死生。

雄黃

錢一沒藥錢一乳香五分麝香二分

右為末。用少許

吹鼻中。如眼淚鼻涕皆出者可治。

青礞石散。

治小兒急慢驚風潮涎壅塞命在須臾。此藥

入口卽活。

青礞石

一兩

入砂鍋內同火硝

一兩

用炭火煨

令通紅以硝盡爲度候冷如金色研爲細末每服二三

分薄荷湯下。

治小兒急慢驚風。

五月五日午時取白頸蚯蚓不拘多

少去泥活搗爛加辰砂等分和勻爲丸如菘荳大金箔

爲衣每服一丸白湯送下取蚯蚓時以竹刀截兩斷看

其跳快者治急驚風跳慢者治慢驚風作二處修合極

妙。

小兒急驚風

急驚者。身熱面紅痰盛。忽然手足牽引。啼不出聲。目睛上視者是。取活蚌一個。銀簪脚挑開。滴入薑汁。將蚌仰天片時。卽有水出。用磁杯受之。隔湯燉熱。灌下立愈神效。

小兒急驚風。石菖蒲搗爛絞汁。二三十匙。老薑汁數匙。和勻灌下卽愈。

啞驚風。細葉菖蒲搗汁。和雪梨汁同飲。

小兒驚癇迷悶。嚼舌仰目者。犀角尖五分磨滾水冲服。

小兒五癇。甘遂末錢一猪心一個。外以乾麵糊包。在竈

火內煨熟。去甘遂末連麵食之。

秘傳抱龍丸

專治小兒着驚嚇傷心肝二經。卽唇青四肢搖動起卧不安。蓋抱者保也。龍者象東方肝木也。故此丸爲治驚之要藥也。

赤芍錢一川貝母錢一防風錢一

五錢桔梗錢三明天麻錢一鈎藤錢三枳壳錢三薄荷葉錢三胆

星錢七陳皮錢三天竺黃錢三茯神錢二共爲細末煉蜜丸。芡實

大硃砂爲衣。每服一丸。滾湯下。有外邪薑湯化下。

諸羊癲風。白礬兩一雨茶兩一共爲細末。蜜和丸。桐子

大每服五十九丸。食遠陳茶送下。小兒二三十丸。

猴子疳。名二粉散。是症從肛門。或陰囊邊紅暈爛。

起漸至皮膚不結靨。或眼稍口旁亦紅。若不早治。必至爛死。凡見此症時。切忌洗浴。只用軟綿帛蘸甘草湯。揩淨用藥。雖延蔓遍身。可保立愈。此方極秘。已救人無算矣。
芡苳粉一兩標硃一兩冰片一分或二分輕粉一分
右爲極細末。將金汁調。鷲毛蘸敷上。如無金汁。雪水亦可。或用燈心甘草湯亦可。一方輕粉用二錢。加牛黃二分。內再服化毒丹。

乳母煎藥方。小兒患猴瘡。乳母亦宜服藥。量精神強弱。

服分數不拘。黃連 金銀花 連喬 甘草 赤

芍 當歸 牛膝 桔梗 黑山梔 薄荷 木通

右各等分。用新汲水煎。渣再煎食遠服。

頭耳疔瘡。將明松香用草紙捲之。浸菜油內半日。取出點火將淋下油加飛丹枯礬在內。調勻冷定搽之。

頭面疔瘡。黃丹三錢枯礬一錢黃柏三錢銅綠三錢白芷三錢

共研細菜油調搽。一二次必愈。

頭上疔瘡。明松香一兩入葱管內煮過待冷乾了同

飛丹一兩。煨過頭髮三錢。研細菜油調搽。

又方。飛丹五錢搗面官粉三錢明松香一兩將葱管數根。

入松香在內。水煮數滾去葱晒乾研末五倍子將銅杓

焙黑畧有微烟取出研末三錢。枯礬灰一錢。共研極細。

如瘡乾。用菜油調搽。濕則乾摻立愈。

治面耳疔瘡。下疔諸般惡症。樟腦二兩。銅青。輕粉。

楓子肉各一兩。蛇床子二兩。雄黃。黃丹。寒水石。硫黃。

荳腐製各一兩五錢。漏蘆。枯礬各二兩。共為細末。猪油調搽。

痧痘後走馬牙疳。明礬五分。冰片一分。白礪砂二錢。人中

白一錢。皮硝一錢。雄黃。牛糞尖一箇。火煨黑存性。共研細末。

吹入患處立愈。

小兒痘後痧後牙疳方。雄黃。牛糞尖。須用經霜者妙。

瓦上炒成灰存性。每錢入冰片二分研細。吹患處立愈。

治小兒走馬牙疳方。用女人溺桶中白。以火煨過研。

末一錢。銅綠三分。麝一分。共為末。搽患處即愈。

小兒口疳。并治走馬牙疳。冰片五厘。見茶五分。

龍骨二分。黃柏二厘。薄荷五分。春夏用薄荷五分。兒

茶二分。秋冬用薄荷三分。五厘兒茶一分。五厘腐爛者。方加龍骨走馬疳。加珍珠五厘。西牛黃三厘。症凶者。方

用上二物。

口疳吹藥。人中白兩。黃柏末兩。青黛錢。枯礬錢。冰片錢。

少許文蛤三錢。紫甘蔗皮灰五錢。共為細末吹之立愈。

集仙固齒丹。五倍三分。龍骨二分。甘草三分。蔗皮灰五分。人中

白五分。黃柏末三分。青黛一分。枯礬一分。冰片一分。薄荷三分。兒茶三分。

黃牛糞尖一個炙存性。共為細末吹之。

治小兒口瘡并治牙疳。人龍用尿洗淨。瓦上焙脆研

細。和青黛少許。冰片少許。研勻搽之立愈。

珠薈散。治小兒五疳積發熱。牙疳并花後牙疳。真

蘆薈五分龍腦五分薄荷葉五分珍珠四分真青黛三分官礬砂至無聲

二分大冰片五厘兒茶五分右為極細末。磁瓶貯好。以蠟

塞口。勿令泄氣。臨用吹患處。

治小兒疳疾。用蝦蟆一個。放在瓶內。將紙封口。過七

日。再用洗淨糞中蛆。不拘多少。入瓶中。任蝦蟆食之。用

炭火煨灰。存性為末。蜜丸食之。

治頭面疔瘡。乃白泡濕毒等瘡。并治痘後翻疤。婦人蝕瘡

神效。

五倍子

一兩去蛙屑微焙

枯礬

二錢五分

沒藥

二錢去油

飛丹

五錢湯泡淡炒

蛇床子

七錢畧焙

白芷

六錢烘

真輕粉

三錢

明雄黃

一錢

乳

香二錢去油

共為極細末。將老松香和熟猪油捲在青

客布內以火燃之。滴油於碗內。待冷將油調藥搽之。即愈。

消疔無價散。

治小兒疔積。并治疔眼。

石決明

一兩半煨

過 蘆甘石

五錢童便煨

滑石

五錢

雄黃

二錢

硃砂

五錢

冰片

五分

蛸 五錢煨去壳

共為細末。量兒大小。或三分。五六七分。

用不落木鷄肝。竹刀切片。上開下連。搽藥在內。將箬包

好入砂罐米泔半碗重湯煮熟連湯食盡眼盲者服四五肝即愈

雞肝藥

滑石六錢 雄黃二錢 硃砂三錢 水片三分

决明一兩 海螵蛸四錢 蘆甘石六錢 赤石脂三錢

煨半 共為末每雞肝一具入藥末五分陳酒米泔各

半盞飯上蒸熟食之開瞽復明 又方每歲服一分

疳積夜眼方 名五色雞肝散 石决明一兩九孔 蘆

甘石六錢 赤石脂五錢 硃砂五錢 海螵蛸四錢

黃四錢 白滑石八錢 各研極細末每歲一分用不落水

雞肝一具竹刀切開摻藥在內箬包紮瓦罐內米泔煮

熟食之。極重者二三服即愈。此藥忌見銅錫鐵器。

治小兒夜盲。或疳積後目閉翳膜者。羯羊肝具一穀精

草握一瓦罐內煑熟。不時食之甚效。

小兒咳嗽發喘。鼻扇肺脹。名百花礬。透明白生礬

一錢研極細末用生白蜜三四錢調和。放舌上徐徐吃下即

愈。

治小兒痞塊。名三反膏。生甘草 甘遂 莧菜各三

錢鱉肉一兩礪砂錢一木鱉子肉四個加葱白七根入蜜

少許。搗成膏。攤狗皮上貼之。如藥畧乾。加葱蜜潤下。用

二次愈。

治虫。朝吃榧子三四個。下午吃史君子三四個。其虫

即盡。但須兼服補脾胃藥。不然虫盡則傷人慎之。

治小兒虫積方。榧子二三斤。陸續吃完即愈。

蒜螺丹。治小兒水腫腹脹小便不利。大田螺個大

蒜五個車前三錢麝香少許。右前三味同研後加麝香再研

為餅。每用一個貼臍中。將膏藥護之。水從小便出。

兌金丸。有黃黑二種。通治小兒百病。二種藥共十四兩。

白丑黃者用。二兩去壳磨極細頭末。大黃二兩。川連三錢。雄黃二兩。胆星五錢。

神麩五錢。黑丑黑者用。二兩去壳磨極細頭末。蝦蟆極大者用一具。須要黃者用銀鑊入

內用油蓋蓋住。鉄絲扎好。外用炭火煨出黑烟。至黃烟出為度。放地上冷透。出火毒。擘開如墨。黑者良。如小者

用兩具五月青黛兩石膏兩滑石兩胡連三錢神麴五錢

五月午時煨。右二種丸藥俱用生研水法丸如米糲之小每歲各一

丸勻服早晚各進一次。

陽春白雪糕 補養脾胃 白茯苓四兩山藥四兩芡實

四兩蓮肉四兩去心陳倉米半升糯米半升白糖二斤先將藥米粉

蒸熟再入白糖印作餅子晒乾

鍋焦丸 小兒常用健脾消食 鍋焦炒黃三斤神麴炒四兩

砂仁二兩炒山查四兩蒸蓮肉四兩去心雞肫皮一兩炒共為細

末加白糖米粉和勻焙作餅用

肥兒丸 常用可免飲食傷脾之症 山藥二兩茯苓

白扁豆炒 五穀虫淘洗淨炒 山查炒 白芍炒 麥芽炒 神麩

炒 當歸各一兩 五錢 白朮炒 陳皮 使君子肉煨各一兩 生甘草

七錢 胡連七錢 薑汁炒 蜜丸 菘荳大 每服一錢

小兒胎痰。獨生一個白色不紅者。南星 半夏 川

烏草烏 俱生用等分研末。或葱蜜。或雞鴨蛋清調

敷。一切外症。色白者皆可用。

胎癩。名粉艾丹。先用猪胆汁浴淨。再用官粉調塗

碗內晒乾。用艾薰至老黃色。取下為末。絹袋撲之。

小兒白禿癩瘡。名美首膏。百草霜一兩 雄黃一兩 胆礬

六錢 輕粉一錢 榆樹皮三錢 用石灰窰內燒紅流結土渣四

重編堂公選良方

兩。共為細末。猪胆汁調。剃頭後搯之神方也。

治白禿頭瘡方。

俗稱臘梨頭。

用皂礬

一錢炒紅

土棟樹子

三錢炒

黃豆

五錢炒焦

川椒

一錢炒出汗

共研極細以豆腐泔水

洗之待燥。用柏油調搽隨愈。

小兒頭上黃水瘡及禿痂神效。

名香粉油。

黃丹一兩

水飛無名異

一錢炒

官粉

一錢炒

輕粉

三分炒

片松香二兩為

末入葱管內用線紮定水煮融化去葱候乾共為細末。

香油調搽神效。

治黃水瘡。

八寶丹。

螵蛸

一兩去骨

赤石脂

一錢二分煨

文蛤

一錢二分炒焦

白龍骨

八錢

兒茶

一錢

枯礬

一錢

黃丹

一錢

官粉

七分

共

爲末。摻上神效。

治小兒黃水瘡。不論頭面遍身。俱有水流濕處。卽生。

用鉛粉不拘多少。研細。并花水濃調糊乾。大碗內將艾火薰烟。覆碗內粉。薰至綠色爲度。取下研細。瘡濕者乾搽。乾者用麻油調搽。

治黃水瘡方。

石膏三錢 龍骨三錢 片松香三錢 白礬三錢

煨右藥共研細末。以雞蛋黃熬油和前藥敷上。

治小兒體肥耳後腋下陰間濕癢者。用海螵蛸研末。

炒微黃敷之甚良。其次用官粉敷之亦好。

治小兒瘡癩頭。

銅綠八錢 杏仁七十五粒 木別子五個
去皮尖 去壳

乳香錢五沒藥錢五血竭錢一輕粉錢一明松香四兩草麻子肉一兩

共搗成干搥膏貼之。

小兒瘡癩頭。名綠燕丹。取多年柏油入銅杓內熬

滾去渣。再入銅綠生礬燕窩泥調勻搽。

又方。用死貓頭一個在瓦上煨焦黑存性研末。摻在

加味太乙膏上貼之即愈。

小兒鼻衄不能吃乳。鮮生地黃搗爛取汁灌之即愈。

砭小兒丹法

小兒頭上生遊丹欲砭者必令卧在橈上將脚跟一頭用磚一塊墊起橈脚以墜毒氣於頭頂然後用磁鋒砭之。

使毒氣皆從頭頂而出。若乳母抱立。則毒氣順下壅塞咽喉。必難生矣。慎之慎之。

赤遊丹。

青黛二分雄黃五厘蜒蚰一條

用瓦松一枝。同打

爛絞汁敷。

又方。

活蜒蚰 葱頭 飛麵 雞子白調敷。一方

加白蜜少許。

小兒遺尿。

用不落水雞腔脰一具。雞腸一條。猪尿胞

一個。各炙焦為細末。每服一錢。黃酒送下。女用雄。男用

雌。

婦人

治乾血勞奇方。過三年者不治。用白鴿子一隻去

肚腸淨入血竭一年者一兩二年者二兩三年者三兩。

用針線縫住。用無灰酒煮數沸。令病人吃之。瘀血即行。

如心中慌亂者。食白煮肉一塊即止。

治婦人女子帶下。虛脫症極效方。芙蓉粉二兩。白茯苓

二兩。赤石脂一兩。牡蠣一兩。禹餘糧一兩。牛角腮一兩。

共為末。好醋一杯。拌和前藥晒乾。再搗末打糊為丸。每

服二錢。

治婦人久積虛寒。小便白濁。并滑數不禁。用鹿角屑

炒黃為末。每服二錢。溫酒空心下。

治婦人臟燥之症。好哭悲傷。顛狂罵人。如有鬼神。平時

女人好哭。自己不知其故。服之最妙。生甘草三兩小

麥一升紅棗十枚水六升。煮三升。分三次服。即愈。

經閉。土鱉虫一兩炙上好血珀末五錢麝香三錢酒打和

為丸。每服三分。

血淋。用髮灰二兩藕汁調服。痛脹甚者。三日即愈。

治血崩。大生地一兩炒龍骨四錢煨生牡蠣四錢研石

榴皮三錢炒烏梅肉三錢炒阿膠六錢蒲陳棕灰三錢百草霜

三錢陳京墨三錢炒右研極細末。用淮山藥五錢研末。醋

水打糊為丸。分作七日服。內加人參三錢。尤效。或用八

參湯送下。

血崩方。

陳棕灰

百草霜

頭髮灰

各一兩

共爲末。

每服一錢。陳酒下。

治血崩不止。

用陳棕棉花子二味。燒灰存性。黃酒送

下卽止。

月水逆行上出口鼻。

韭汁童便溫服。

小便血。

鮮地骨皮洗淨。搗自然汁。無汁以水煎濃汁。

每服一杯。加酒少許。食前溫服。能清心腎。開鬱結。兼以

分利。若尚溫補。反生濕熱爲害矣。

治孕婦痢疾秘傳妙方。

用雞蛋一個。破一孔。如指大。

以銀簪脚攪勻。加入黃丹三錢五分用紙封口。在飯鍋上蒸熟食之即愈。

安胎方。胎氣不安。或腹痛。或腰痛。或飲食不甘。俱宜

服之。或五六個月常服數貼最妙。足月亦可服。人參

五分。虛白木一錢。陳皮五分。甘草三分。當歸一錢。川芎八分。白芍

者加倍。砂仁七分。紫蘇一錢。香附六分。黃芩一錢。腹痛倍

加白芍。腰痛加鹽水炒。杜仲。川斷。內熱口渴去砂

仁加麥冬。見紅加酒炒。地榆。生地。以上各一錢。

又方。歸身一錢。川芎七分。白芍一錢。熟地一錢。白木五分。

條芩一錢。砂仁一錢。陳皮一錢。蘇梗五分。炙甘草四分。如

或下血加蒲黃阿膠。腹痛加香附枳壳。如惡阻加

竹茹去地黃。

治胎漏方。用炒熟蠶豆殼磨末。每服三四錢。加沙糖

少許調服。

治死胎不下。皮硝二錢。壯者三錢。寒月加熟附子五

分。酒半杯。童便一杯。煎二三沸。溫服。

治胎衣不下。用牛膝三錢。葵子五錢。水煎服。

產後腹脹閉結。膨悶氣結。坐卧不安。大麥芽炒為末

用一合陳酒調。一方每服三錢。

產後面紫。乃惡血上冲氣壅。故目不合。山查炒一兩

童便煎服

產後面黑。乃惡血入肺。發喘欲死。蘇木一兩水三鍾

煎至一鍾。調人參細末五錢服。

治產後惡露不盡發熱。用童子母雞一隻。竹刀殺乾

搗去毛破肚。將陳酒洗淨。用益母草花一二兩。裝入雞

肚內。加陳酒浸隔湯煮爛。去益母花。只將雞淡吃。連酒

汁亦吃。畱雞骨炙存性研末。沙糖調酒過下。先吃雞一

隻。第二三隻。將金茶匙草。代益母花。照前法入雞肚內

煮吃。骨亦吃一二隻即愈。

產後血暈。韭菜切入有嘴瓶內。將醋三碗。煎滾入瓶

內將瓶嘴塞產婦鼻孔即醒。

產後陰翻。澤蘭葉煎濃湯薰洗即收。

吹乳不通。雄猪前脚爪一個。鬼饅頭二個。并煮食之。

一日即通。雖無子女人食之亦有乳。

治乳不通。絲瓜連子燒存性。酒下一二錢。被蓋取汗

即通。

雜症

治乳巖方。此病先因乳中一粒大如荳。漸漸大如雞蛋。

七八年後方破爛。一破則不可治矣。宜急服此藥。

生蟹壳數十枚。放砂鍋內焙焦為末。每服二錢。好酒調。

下。須日日服不可間斷。

青皮散。治乳癰初起。
青皮去穰 山甲炒 白芷 甘

草 土貝母各八分 為細末溫酒調服。

乳癰乳痛敷方。
活鮒魚一個 鮮山藥一段如魚長者 同搗爛

敷上以紙蓋之。

吹孺乳癰。
南星 半夏 皂角去皮弦 五倍子去虫窠炒

黃 各等分研極細末醋調敷一宿立效。

乳癰煎方。
乳香錢一 沒藥錢五分 苡仁錢二分 川芎錢五分 甘草錢五分 防

風錢一 銀花錢二 知母錢一 陳皮錢一 當歸錢五分 瓜蒌仁錢二 木通錢一

香附錢一 貝母錢五分 橘葉二十片 鮮 水酒各半煎食後服。

四服必愈。

乳癰乳巖及外吹。

螃蟹蒸熟取脚上指甲。砂鍋內微

火炙脆研末一兩。配鹿角挫末二錢。如遇此症。用陳酒
飲一杯。將藥一錢。或八分放在舌上。以酒送下。再飲一
杯。俱食後服。

治乳癖。

用蝦蟆一個去皮令淨。入半夏三錢。麝香半

分。共打爛爲一大餅。敷患處。用帛縛之。約三時許解去。
其效如神。

乳癰奶癖。

活螃蟹十餘隻。取脚爪尖約七八錢。陰陽

瓦炙黃研末。陳酒送下出汗卽愈。

治乳癰癧瘰癧瘰癧敷藥。

用野花椒葉晒乾為末。雞子清。

調敷立愈。癰尤效。

神效瓜萇散。

治婦人乳疽奶勞。

黃括萇

子多者一個去皮焙

為細末如急用只爛研

川當歸

洗去蘆焙切細半兩

生甘草

半兩滴乳香

一錢另研

通明沒藥

二錢半另研

右用無灰酒三升。同於銀石器中。

慢火熬取一升。清汁分為三次。食後服。如有爛勞便服。

此藥杜絕病根。如毒氣已成。能化膿為黃水。毒未成即

內消。疾甚者再合服。以退為度。乳疽之方甚多。獨此一

方。神效無比。萬不失一。

內消乳癰方。

大貝母白芷等分為末。每服二錢。白酒

下。如有鬱症。加白蒺藜。若有孕忌用白芷。

治男婦乳癰秘方。無不立愈。

鮮橘葉 多些 夏枯草

香附 童便製 青皮 先將夏枯草切碎。用青皮香附晒

乾。後將橘葉放石臼內打爛。同前藥拌勻。再晒極乾。後方上磨為極細末。陳米飯為丸。白湯下。不拘時服。

治乳癰癰潰爛者。方可服神效。雄鼠糞 三錢兩頭尖者便是

土棟樹子 三錢經霜者佳川者不用 露蜂房 三錢 俱煨存性為末。分

作三服。酒下。間兩日服。一服痛即止。膿盡收斂。奇效。

治乳痛。極凶者。不過四貼。炒白芍 八分 甘草 三分 蘇梗

七分 柴胡 七分 炒黃芩 八分 香附 一錢 當歸 八分 川芎 七分 金銀

花半錢 貝母一錢半 蓮翹八分 瓜萸霜八分去油淨 加橘葉三

十片水二鍾煎八分食遠服無孕加青皮八分醋炒有

孕去青皮加薑汁炒砂仁末五分同煎 一方瓜萸用

一個去油

海上乳毒奇方。 當歸 漏蘆 穿山甲 獨活 乳

香 沒藥 桔梗 青皮 水酒煎服立消。

雄黃藜蘆散 治婦人陰中突出如蛇或雞冠菌樣者。

雄黃一錢 冰片二分 輕粉一分 鱉頭一錢 葱管藜蘆二錢研細如麵

俱為末和勻再研磁罐收貯先用芎歸湯煎洗隨後

搽藥早晚二次其患漸收 芎歸湯 川芎 當歸

白芷 甘草 胆草各等分 每用五錢煎湯洗患處搽

藥。

婦人乳腫。不論內外吹名必消散。取五穀大楊樹上

木耳菌。拭淨瓦上炙焦存性為末。每服三錢。沙糖調陳

酒送下即消。

婦人陰戶內生瘡。痒痛難堪。用鮮猪肝切成條。於香

油中微燙過。抹樟腦川椒末。插入戶內。引蛆虫候一時

辰。取出再換。二三條即愈。

婦人陰戶內生瘡作痒。活蚌一個。剖開將有肉半個。

手拿對陰戶一夜。次日又用一個全安。蛤蚌亦不用甚大

婦人陰瘡如虫咬痒痛者。

生搗桃葉綿裹納之一日

三四易。

婦人交接傷陰。出血不止。

五倍子研極細末摻之。

蘇麻油... 每用五...

人乳... 不論內外... 取五...

酒送下即消... 入陰戶內... 用鮮猪肝切...

散入... 燈七... 凡人...

立消疔瘡外治神效方

松香廿兩 製法附後

沒藥三兩 研極細末

白蠟二兩 切為粗末

銅綠五兩 研細過絹篩再研至無聲為度

黃蠟十兩 刮取粗片

百草霜五兩 研細過絹篩再研至無聲為度

明乳香三兩 研極細末

麻油六兩

選吉日淨室焚香齋戒虔誠脩合忌婦人雞犬及孝服

人見用桑柴火先將麻油入鍋煎滾次下松香候稍滾

三下白蠟候稍滾四下黃蠟候稍滾五下乳香候稍滾

六下沒藥候稍滾七下銅綠候稍滾八下百草霜滾過

數次於鍋內冷透搓成條子丸如桂圓核大藏淨磁器

內臨用時以一丸呵軟捻扁貼患處頃刻止痛次日腫消即愈已走黃者貼之亦無不霍然神速之效百發百中疔瘡藥之至寶也此方活人甚多是當廣為傳揚

貼後忌食葷腥辛辣沸湯大熱食生冷發物麪食豆腐茄子黃瓜酒

忌水洗 忌惱怒憂悶 大忌房事

製松香法 用桑柴灰煎汁澄清入松香煮爛取出納冷水中少時再納灰水中煮以色白如玉為度取百草霜法 先須刮淨鍋底專燒茅柴百草取烟煤用如以別種柴烟煤用入則不驗

戒鴉片烟癮方

潞黨參 一兩

金櫻子 一兩

粟壳 四錢

萊菔子 一兩

韭菜子 一兩

半夏 一兩

陽春砂仁 五錢

廣陳皮 五錢

陳酒 五斤

倭芙蓉灰 五錢

此方將各味煎好摠去渣滓和入陳酒內再煎一沸置蓋鉢中勿令洩氣於癮至之前先飲一鍾癮可不至更將淡酒一盃沖入其內每飲一鍾即沖

入一鍾藥性冀其漸減而烟癮庶可全消

急救誤食洋煙方

明雄 貳錢

雞蛋青 壹斤

生桐油 壹兩

調勻河水灌服即

吐或吐有未盡用硬雞毛或鴨毛蘸桐油直掃咽喉乃

吐若同燒酒誤食者加葛花

參錢炒末

調服醒後用生甘草

伍錢

食塩

伍分

明礬

伍分

金銀花

伍錢

煎服又宜多食

柿餅以解洋煙并桐油之毒如毒重時久萬無生理者

用艾茸如大黃豆大灸氣海穴

在臍下一寸五分

較準後用墨

一記即按記處灸之灸時肚腹兩邊即注下推運不可

歇手灸到手足能動略知疼痛乃止仍宜照前服藥

急救難產良方

三麻四豆脫衣裳 合研細末加麝香 共成一餅貼

交骨 須臾母子兩分張

此方用草麻子 三箇 巴豆 四箇 均去皮加麝香 二

分 全研成餅貼產門上交骨其胎立下如月分未足胎或轉動不可輕用若足月臨盆周日不下者用此立驗儀徵張姓婦生產三日不下子死腹中命在呼吸照方配用死胎立下產母保全

治傷方

晉人尚氣每有事甚細微一語不合輒卽鬪毆刃傷較他省為多又不善於調治動致斃命今訪有秘方屢試屢驗神效異常時行刊發有牧民之責者亟須捐資慎選真實藥材如法製備一有報傷之案無論跌打損傷金刃他物骨折骨碎立即給藥照方醫治勿臥熱炕定有奇效州縣仁心為質遇有命案往往執罪疑惟輕之論不肯嚴辦然與其曲為開脫以致死者含冤何如速加拯救俾兩命俱得保全功德豈不更大乎急救方開

列於左

十寶散

冰片一分麝香一分辰砂一分乳香去油一分子紅花四分

血竭一分雄黃四分兒茶二分歸尾一分沒藥一分

以上十味共為細末貯磁瓶黃蠟封口勿令走氣

一治跌打損傷皮肉青腫未破者用陳醋調敷患處

腫消即愈

一治刃傷并各器械傷皮破血出者以藥末摻上包

裏不可見風血止即愈

一治內傷骨碎或骨已斷折先將骨節湊准用陳醋

調藥末厚敷患處以紙裹外加老棉絮包好再用薄板片夾護將繩慢慢綑緊不可移動藥性一到骨自接矣須靜養百日如犯房事必成殘疾

一治刃傷深重未致透膜者先用桑皮線縫好多摻藥末於上以活雞皮急急貼護如前骨損養法即愈

一遇跌打昏迷不醒急用少許以陳酒冲服自然醒轉以便調治

此方神奇雖遇至重之傷鮮有不起生者

張蘭渚中丞頒發天長縣署奉到後即照方修合

用之屢效因思此種良藥不特牧民者可以救人
即民間如法製備取以治傷亦甚有益

急救跌打損傷方

並治馬踢刀箭等傷

白附子拾貳兩
研末

白芷天麻生南星防風羌活

各壹兩
研末就

破處敷上傷重者用黃酒浸服數錢青腫者水調敷上

破傷風方

荆芥五錢黃蠟五錢魚鱖五錢
黃色艾葉三片入無灰酒一碗重

湯煮一炷香熱飲之汗出立愈惟百日内不可食雞肉

解砒毒神效方

防風

一兩研細末清水調服

又方石青

研末清水調服

以上諸方係百試百驗真有起死回生之功勿以尋常方藥視之還望

好善諸君廣為傳播造福無量

萬有喜齋重刊